


BIBLIOTEKA  
Zakl. Nar. im. Ossolińskich


XVI

3689









*Miscel: 94.*

CONIECTV-  
RÆ DE VLTIMIS TEMPORI-  
BUS, AC DE FINE MVNDI, EX  
Sacris literis.

Authore  
ANDREA OSIANDRO.



*Ex Bibliotheca Mich: Copiel*

Norimbergæ apud Iohan. Petreium.  
Anno Christi M. D. XLIII.

33.474





xvi, qu, 3689

# ILLVSTRISSIMO

PRINCIPI AC DOMINO, D.

Alberto Marchioni Brandenburgensi, Prussiae,  
Stetinæ, Pomeraniæ, Cassuborum, ac Scla-  
uorum Duci, Burggrauio Nurember-  
gensi, ac Rugiæ Principi, Dño suo cle-  
mentissimo, Andreas Osiander.



**C**VM hunc libellum multis ac magnis de  
causis in lucē ædere uellem, Alberte prin-  
ceps illustrissime, multa me hortabātur ac  
instigabant, ut eum nomini tuo potissimū  
inscriberem atq; dedicarem. Principio enim mereban-  
tur hoc, cum aliæ præclarissimæ uirtutes tuæ, tum ue-  
ro excellens humanitas ac beneuolentia, qua non so-  
lum uiros insigni aliqua eruditionis ac pietatis opinio-  
ne celebres prosequeris, uerum etiā me ipsum, qui  
nihil omnino sum, singulari quodam ac natiuo, ut ita  
dicam, fauore complecteris. Deinde facile sperabam,  
huius libelli lectionem illustrissimæ tuæ Celsitudini  
non ingratam fore quòd multa de quibus ante uiginti  
annos inter nos contulimus, in eo esset recognitura.  
Multa etiam noua, sed cognitu longe utilissima ibi-  
dem inuentura. Denicq; dubitare non poteram, quin  
illustrissima tua Celsitudo in primis cuperet extare  
causas, propter quas non modo tot pñ, & tot eruditi  
uiri, uerum etiam tot nobiles, tot illustres, & inter hos  
a ij etiam



etiam nonnulli regia Maieſtate præditi Heroes, baby  
lonicas illas abominationes ſibi deferendas eſſe iudica  
uerint. Quarum quidem non ſolum præcipuas in hoc  
libello explicauī, uerum etiam fontem ipſum, è quo il  
læ omnes in uniuerſum ſcaturiūt aperui. Poſtremo ui  
debatur mihi ex utilitate publica fore, ut qui hoc meo  
ſcripto, de fine mūdi, & iudicio extremo admoniti, ad  
fugiendas abominationes illas babylonicas excitaren  
tur, ſedem etiam hoc dedicationis officio & comme  
moratione nominis tui, quaſi in rem præſentem facto  
rū illuſtriſſimæ tuæ Celſitudinis deducti, exemplo  
tuo confirmarentur, unde uiciſſim hæc ad te rediret  
utilitas, ut ſic confirmati, rationem factorum tuorum  
illuſtriſſimæ tuæ Celſitudini, optime conſtare intelli  
gant, atq; fateantur. Neq; uerò me ab hoc dedicati  
onis propoſito deterreri paſſus ſum, quòd libellus exi  
lior uideri poſſit, quàm ut tanto Principi recte dedice  
tur. Semper enim in ea fui ſententia, Heroicos uiros  
propter excellentem ingeniorum uim, ac perſpicacita  
tem (unde illuſtres dicuntur) longa & operoſa rerum  
explicatione non egere, quin etiam propter multitudi  
nem negotiorum, quibus in adminiſtratione rerum  
occupati ſunt, ſuperuacanea moleſte ferre. Quare cū  
in hoc libello agatur de rebus maximis, nempe de his  
redituina Rhomanæ urbis dominatione, omniū quas  
hic Sol aſpicit famoſiſſima, deq; totius huius munda  
næ molis ætate & interitu, item de genuino intellectu,  
obſcu



obscurissimarū prophetiarum, Danielis & Iohannis,  
ē quibus presentis huius Ecclesiastici dissidij, quo con-  
cutimur, foelix catastrophe tanquam digito common-  
stratur. spero eum apud illustrissimā tuam Celsitudi-  
nem, tanto fore gratiosorem, quanto breuiorem. Su-  
scipe igitur illustrissime Princeps, hoc quicquid est  
opusculi, ea uultus hilaritate ac animi beneuolentia,  
qua me quoq; suscipere ac complecti soles, illudq; à  
moribus inuidorum, interposita iudicij tui acerrimi  
autoritate defende. meq; solita illa illustrissimæ  
tuæ Celsitudinis beneuolentia, quam hactenus neq;  
temporum, neq; locorū interualla obscurarunt, perpe-  
tuo cōmendatum habe. Nam officia mea qualiacunq;  
& obsequia, unā cum precibus pro salute & incolumi-  
tate tua, iam olim Illustrissimæ tuæ Celsitudini,  
semper ac perpetuo fuerunt, eruntq;  
deuota.

# CONIECTVRÆ

DE VLTIMIS TEMPORIBVS, AC

de fine mundi, ex Sacris literis, Authore

Andrea Osiandro,

PRÆFATIO.



**E**TSI Dominus noster Iesus Christus, Matthæo teste, diem illum & horam, qua ipse ad iudicandum uiuos & mortuos reuersurus esset, à nemine mortaliū, ac ne ab angelis quidem sciri, sed in solius Dei patris arbitrio positum esse, clarissime pronunciarit: Christianos tamen homines, in sacris literis eruditos, coniecturis quibusdam e uerbo, & operibus Dei petitis, ad tempus illud præfagiendum, & quasi circumscribendum, non solum peruenire posse arbitror, uerum etiam ut perueniant conari debere iudico. Non enim dixit dominus noster: Seculū illud, aut ætatem illam, aut annum illum aduentus sui, à nemine sciri, sed diem tantum, & horam, asserit ignorari. Quin imò aptissima etiam similitudine, nos ad inquirendum & obseruandum tempus illud, blandissime inuitauit, & tantum nō coegit, cum dixit: Incipientibus autem his fieri, suspicite & leuate capita uestra, eo quod appropinquat redemptio uestra. A ficu autē disci



discite similitudinem. Quando iam ramus eius tener fuerit, & folia protruserit, scitis quod iam prope sit æstas. Sic etiam quando uideritis hæc omnia fieri, scitote quod regnum Dei prope sit in foribus. His autem uerbis, non tantum est statu rerum olim futuro, tanquam in re præsentī, coniecturam faciendam uulgo commisit. Verum etiam paulo sapientioribus, tempus illud optabile, multis ante indagandum & prouidendum seculis mirifice commendauit. Sicut enim agricolæ ingruentem æstatem, ex arborum germinatione cognoscunt, astronomi uerò etiam germinationis tempus ex astrorum motibus definire, & in quantumuis longum tempus prænunciare possunt: ita uulgi Christianorum, appropinquantem mundi finem, ex signis à Christo indicatis iudicare, theologi uero, etiā curricula temporum & ætates, quibus quæque signa certo uentura sint, è sacrarum literarum mysterijs eruta existimare, et multis ante seculis designare debent. Quod cum ita sit, dicta quædam & facta insignia, proprièque ad hanc rem pertinentia, quæ in sacris mihi uersanti literis obiter occurrerunt, diligenter animaduersa notauī, & cōiecturas ex eis de fine mundi factas, memoriæ mandauī, quarum nonnullas amicis paulo familiarioribus, in literas relatas priuatim communicauī. Quæ cum à pluribus appetantur, & iam late sparsæ sint, periculum est, ne audaculus aliquis, meis illis coniecturis aliquid non mei admisceat, & alijs meo nomine,

ne, me ignorante obtrudat. Quod ne fiat, scriptum illud, quamuis exiguum, sub manus reuocaui, & alicubi emendaui, alicubi uerò etiam locupletauì, ut eo per typographum ædito, simul & fratribus gratificarer, & ne in posterum à falsarijs corrumpatur, securitatem mihi ipse præstarem. Sunt autem coniecturæ quatuor (cur enim eas, nō ut thesaurum etiam numeremus?) quas ordine recensabo,

## CAPVT I.



Rima coniectura sumit̃ è uerbis Eliæ prophætæ, quæ Iudæi in libris suis Thalmudicis oraculi uice, non uno loco recensent. Extant em̃ in libro עבדה זרה Aboda Zara, capite primo, & in libro סנהדרין Sanhedrin, capite ultimo, & alijs item locis, ad hunc fermè modū, **הוא** רבי אליהו : ששה אלפים שנה חזי עלמא : שני אלפים תורה : שני אלפים ימות המשיח : ובעבורהו שרבו יצאו מרחם מן שיצאו : Tradidit domus seu schola Eliæ, dixisse Eliam : Sex milibus annorum durabit mūdus. Duobus milibus inane, duobus milibus lex, duobus milibus dies Christi. ( hætenus Eliās, postea subiūciunt Rabbini ) Ac propter peccata nostra quæ plurima sunt, præterierunt ex eis, quotquot iam præterierunt. Et est Oraculum haud dubie fide dignū, multis de causis, tametsi in sacris literis non sit expressum. Principio enim ininitis uerbis Moysis in Psalmo iuxta Hebræos nonagesimo



simo, quibus etiam ad stipulatur sanctus Petrus, epi-  
 stolæ secundæ capite tertio. Quod scilicet, Mille an-  
 ni apud Dominum sint, sicut dies unus. Inde enim  
 sequitur, quod sicut Deus sex diebus creauit omnia,  
 et septimo die requieuit: ita etiã sex milibus annorũ,  
 gubernet hunc mundum generationi & corruptioni  
 obnoxiiũ, & septimo millenario adducatur requies  
 sempiterna. De qua ad Hebræos capite quarto ita lo-  
 quitur Apostolus, ut hoc ipsum mysterium nobis ue-  
 luti digito commonstrare uideatur. Deinde mirabili-  
 ter cum sequentibus reliquis cõiecturis omnibus con-  
 sentit. Postremo à Iudæis ut certum prophetæ oracu-  
 lum constanter celebratur, tametsi contra eorum infi-  
 delitatẽ maxime ac manifestissime pugnet: quod qui-  
 dem neutiquam ab ipsis fieret, nisi certa & indubitata  
 eius dicti autoritate cogerentur. Adiecta enim clau-  
 sula, ingenue confitentur tempus natiuitatis Christi,  
 non hac ætate demum aut nuper, uerũ iam olim, tum  
 scilicet, cum opus illud Thalmudicum circa annum  
 Domini nostri quadringentesimũ tricesimũ sextum,  
 publicaretur, elapsum fuisse. Vnde manifestum est, ip-  
 sos iam plusquam mille & centum annis, frustra aliũ  
 Messiam, quàm Dominum nostrum Iesum Christũ  
 expectasse. Cuius quidẽ rei causam, falso in sua ipso-  
 rum peccata conijciunt, cum Christus illis ad certum  
 ac prædefinitum tempus ita promissus fuerit, ut neq;  
 propter illorum peccata tardius, neq; propter iusticiã

citius nasci debuerit . qua de re aliàs fortasse plura .  
 Quamquam quidam è nostris hanc clausulam de tem-  
 pore natiuitatis Christi iam olim elapso , ad finē mun-  
 di trahere nitantur . quasi propter peccata nostra mul-  
 tum illis annorū sex milibus defuturū sit, quo minus  
 compleantur . Verum eum sensum , quamuis alioqui  
 proposito nostro accommodatissimum , hebræa uer-  
 ba non recipiunt . Est igitur sensus huius oraculi . Mun-  
 dum ex eo tempore , de quo Moses dixit : Terra autē  
 erat inanis & uacua , circiter annorum duo milia du-  
 rasse , anteq̃ circumcisionis lex cum suis appendicibus  
 Abrahamo traderetur , de quibus Geneseos uigesimo  
 sexto capite ita legimus : Benedicent in semine tuo om-  
 nes gentes , cō quod obedierit Abrahā uoci meę , & cu-  
 stodierit præcepta & mandata mea , & ceremonias le-  
 gesq̃ seruauerit . A tempore autem traditæ circumci-  
 sionis Abrahamo , usq̃ ad Christum , duobus alijs an-  
 norum milibus fuisse duraturū . Quod cum res ipsa ,  
 uerum fuisse & sic euenisse manifestissime compro-  
 bet ( nam Christus ab orbe condito , circiter quater mil-  
 lesimum annum passus est . ) Quis non credat , id quod  
 superest , etiam à ueritate non abhorreret : nempe quod  
 à Christo usq̃ ad finem mundi , nullo modo amplius  
 ( fortassis autem multo minus ) quàm duo milia sint  
 decursura , id quod Eliæ oraculum suo quodam mo-  
 do nobis insinuat . Cæterum , quod aliquot anni de  
 ultimis duobus millenarijs transierint , & tamen Chri-  
 stus ,



stus, ut Iudæi putant, nondū uenerit, propter sua ipsorum peccata factum uideri uolunt, sed frustra. Venit enim Christus, iuxta hoc Oraculū, ita ut circiter quatermillesimum conditi orbis moreretur, resurgeret, et in cœlum ascenderet, in fine mundi iterum inde uenturus ad iudicandum uiuos & mortuos. Quòd autem Iudæi, ab orbe condito, ad Christum usq̃, ducentis annis ferè minus numerant quàm nos, in causa sunt, cum alij multi errores, tum uerò ille omnium maximus, quòd Dariū Histaspis, sub quo templum ædificatum est, & Darium ab Alexandro magno deuietum, pro eodem habeant, ac sex tantum annis regnasse putent, cum ab initio regni unius, usq̃ ad finem alterius, etiam secundum Ptolemæum centū nonaginta duo anni intercefferint. quam rem diligenter excutiemus in Chronologia nostra, deo uolente. Hanc coniecturam adiuuāt etiam Henoch, & Elias ipse, qui ambo uiui ex hac ærumnosa uita, ad beatam immortalitatem, morte non gustata, translati sunt. Sicut enim sex primæ generationes, scilicet, Adam, Seth, Enos, Cainan, Mahalaleel, Jared mortuæ sunt, septima autē generatio, ipse scilicet Hanoah, quem & Iudas in epistola sua septimum ab Adam, non sine causa prædicat, immortalis est: Ita sex millenarij mūdi, mors regnabit, septimo autē beata immortalitas uigebit. Et sicut prima sex secula morti obnoxia fuerunt, ab Adamo scilicet usq̃ ad Eliam, septimū autem, Eliæ scilicet, immor-

talitatem adipiscitur. Nam Elias uiuus, in igneo cursu raptus est, ita etiam sex millenarijs mortalis hæc uita durabit, septimo uerò ingruente Christo in cœlum obuiam rapiemur. Seculum autē uoco, quāmdiu homo uiuit. Vixit itaq; Adam, usq; ad Methuselah, Methuselah autem, usq; ad Sem, Sem autē, usq; ad Iacob, Iacob autem, usq; ad Amram, Amram autem, usq; ad Ahiam Silonitem, Ahias autē, usq; ad Eliam, qui translatus est. His cōiecturis etiā usus est Ioh. Picus Mirandulanus, cum anno domini M. CCCC. LXXXVI. currente, inter noningentas suas disputabiles cōclusiones etiam hanc posuit: Si qua est de nouissimis temporibus humana coniectura, inuestigare possumus, per secretissimā uiam Cabbalæ, futuram esse consumationem seculi, hinc ad annos quingentos quatuordecim, & dies uiginti quinque. Verum magnis de causis, ut supra nonnihil insinuauimus, conijcimus, sextum Millenarium nequaquam completum iri. Nam sicut in lege, sexta dies non tota concessa est ad operandum, sed insignis aliqua pars eius adiicit sabbatho, circa uesperum. Ita sextus millenarius non totus cōcedetur huic mortali uitæ, sed luculenta pars eius circa finem refecabitur, atq; à beata illa & æterna requie præoccupabitur, id quod in sequentibus coniecturis clarius apparebit.

## CAPVT II.

Secunda





Secunda coniectura sumit̃ e uerbis Christi, quæ legunt̃ Matthæi uigesimo quarto, & Marci decimotertio capitibus, ad hūc modū: De die aut̃ illa & hora nemo nouit, ne angeli quidem cælorū, neq; ipse filius, nisi pater meus solus. Sed sicut erant dies Nohæ, sic erit & aduentus filij hominis. Sicut enim erant in diebus ante diluuiū edentes & bibentes, matrimonia contrahentes, & nuptum dantes, usq; quo die intrauit Nohas in arcam, & non cognouerunt donec uenit diluuium, & sustulit omnes. Sic erit & aduentus filij hominis. In istis enim uerbis uidetur Christus non qualitatem tantum, sed & quantitatem temporum comparasse. Qualitatem autem temporum uoco, mores illorum seculorū corruptos. Quantitatem uerò numerū annorum. Ac de qualitate quidem dubitari non potest, cum Christus aperte dixerit, etiam Lucæ decimo septimo capite: Quod sicut in diebus Nohæ & Loti, ediderint, biberint, uxores duxerint, nupserint, emerint, uendiderint, plantarint, ædificarint: ita etiam futurum sit, quū filius hominis reueletur. De quantitate uerò seu numero annorum, etsi res in obscuro est, aliquatenus tamen relucet, ac sese aperit, cum Matthæus absolute dicat: Sicut erant dies Nohæ, sic erit & aduentus filij hominis, præsertim, cum Paulus ad Rhomanos quinto capite asserat, Adamum fuisse formā futuri Christi, sicut & in prima ad Corinthios decimoquinto, e Chri-



sto facit alterum Adamum, dicens : Factus est primus Adam in animam uiuentem, extremus Adam in spiritum uiuificantem. Primus homo de terra terrenus, secundus homo, dominus ipse de coelo, Iam si Christus est alter Adam, cuius ille prior forma fuit, & aduentus Christi futurus est sicut dies Noë circa diluuium, quis non credat, quod quantum temporis effluerit ab Adamo terrestri usque ad dies Noë & diluuium aqueum, tantundem etiam effluxurum ab Adamo celesti, qui est Dominus noster Iesus Christus, usque ad finem mundi & diluuium igneum? De quo apostolus Petrus ait: Adueniet autem dies Domini sicut fur in nocte, quo cæli procellæ in morē transibunt, elementa uerò æstuantia soluentur, terræque, & quæ in ea sunt opera exurent. Et iterum idem inquit: Per quem cæli incensi soluentur & elementa æstuantia liquefcent. Manifestum est autem ex capite Geneseos quinto, ab Adamo ad diluuium effluxisse annos mille sexcentos quinquaginta sex. Verissimilimum igitur est Anno domini Millesimo sexcentesimo quinquagesimo sexto finem mundi instare & præ foribus esse, qui iam non plus quam centum duodecim annis abest. Nisi forte anni domini hac in parte non à natiuitate eius, sed à resurrectione, ascensione, & spiritus sancti missione numerandi sint. Sicut autem Noë has diem quidem & horam diluii nesciuit, donec dominus eum iuberet ingredi arcam, annum autem sciuit, cum deus illi prædixisset,



xisset, se hominibus adhuc centum uiginti annos pœnitentiæ spacium concedere. Ita & nos, tametsi diem & horam aduentus domini prorsus ignoremus, annū tamen si è sacris literis elici posse credamus nihil faciemus absurdi,

## CAPVT III.



Tertia coniectura sumitur à tempore natiuitatis Christi usq; ad eius passionem & resurrectionem, quod est triginta trium annorum, & aliquot dierum, quorum numerus adhuc nos latet. Fuit enim omnino, cum à Iohanne baptizaretur, triginta annorum completorū. Quamquam alijs aliter uideatur, nempe quòd tum recens attingerit annum tricesimū. Sed illi multum errant, ignorantes discrimen, quod est in lingua hebræa, inter istas duas loquēdi formulas, & similes, cū dicunt, Aliquid factum esse anno tricesimo, & aliquem esse annorum triginta. Quicquid enim, post uigesimum nonum annum completum, toto sequente anno geritur, tricesimo anno factū esse recte dicitur. homo autem triginta annorū esse nullo modo pronunciať, nisi tricesimo ætatis eius cōpleto & insuper uno die, præsertim ubi res ad ætatis dignitatem refertur, ut cum leuitæ triginta annorum idonei ad cultum diuinum censentur, trigessimus eos annū & unum diem compleuisse oportet. Cum autem Christus uenerit, nō ad legem soluendam, sed complendam, factus sub lege, ut nos à seruitute

tute legis liberaret, dubitari non potest, quin etiã hac in parte legem obseruauerit, nec docendi munus publice usurparit ante trigessimũ ætatis suæ annũ completũ. Neq; obstat huic sententiæ particula *ὡσεὶ*, in Luca, quæ significat, quasi. nam Lucas neutiquam fluctuat in numero annorum Christi, sed respicit ad diuinam eius naturã, quasi dicat: Ille dei filius qui ab æterno in sinu patris est, assumpta serui forma, uersatur inter homines, perinde ac si esset tantum triginta annorum. Non enim debuit eneruari pulcherrimum illud & maxime insigne Christi dictum: Antequam Abraham fieret, ego sum. Et quo minus dubitare possimus hac tota de re, certos nos facit astronomia. Nam anno Christi tricesimo quarto currente, planè tale pascha, calculo astronomico ex Ptolemæo petito deprehendimus, quale nobis in passionẽ Christi describunt Euangelistæ, hoc est, quòd reuera fuit die Veneris, quemadmodum Christus illud unà cum suis discipulis obseruauit. à Iudæis aut in proximum sabbathum translatum fuit, quemadmodũ hodièq; solent; ne duo magna festa, in quibus ne ignem quidem accendere licebat, continuarentur. Quæ res tot non æstimandis laboribus à Paulo episcopo Sempronienti quæsitæ, nec tamen fuit inuenta, hanc unam ob causam, quòd non satis animaduertit, Iudæos primam diem mensis non numerare à cõiunctione Solis & Lunæ proxime præcedere, sed ab ea uespera, qua nouam Lunam uisam esse.



esse, idonei testes Hierosolymitano Senatui probabant, uel uideri potuisse. docti astronomi euidenter demonstrabant. Sed hac de re iam satis, redeamus ad propositum. Cum igitur Christus dominus noster natus ex uirgine Maria secundum carnem, in hac ærumnosa uita nostra, triginta trium annorum & aliquot dierum spacio, nobiscum uersatus sit, uerissimum est, eundem etiam, ex incorrupta uirgine, scilicet Ecclesia sancta catholica per liberam confessionem & synce ram doctrinam Euangelij spiritualiter natum, uerbo suo totidem annis, sed magnis, in hoc mundo uersaturum. Sunt autem duo genera annorum magnorum in sacris literis, Vnum Angelicum, Alterum Mosaicum: Annus Angelicus constat ex tot annis ciuilibus nostris, ex quot diebus nostris constat annus noster ciuilis: Nobis enim qui cælo inclusi sumus, cursus solis ab occidente in orientem, & rursus ab oriente in occidentem, diem absoluit, id quod fit spacio uiginti quatuor horarum, Angelis autem, qui extra & supra globos æthereos uersantur, dies est, quem sol in Zodiaco ab austro in aquilonem, & ab aquilone rursus in austrum, circumuoluendo conficit, id quod fit spacio unius anni ciuilis nostri. Tales dies intelligit etiam Christus, Lucæ decimoseptimo, cum Herodi iubet renunciari, & dici: Ecce ejicio dæmonia, hodie, & cras, et tertia die consumor. Verum tamen, oportet me hodie, & cras, et perendie ambulare, qua fieri non potest,

ut propheta pereat extra Hierosolymam. Hæc enim nullo modo possunt intelligi, de diebus civilibus, sed de tribus integris annis, quibus Christus dominus noster prædicauit ac miracula fecit, antequam Hierosolymis crucifigeretur. quia tres anni nostri, sunt tres dies angelici. Igitur quot diebus nostris constat annus civilis noster, tot annis nostris, angeli definiunt annū suum, uocantq̃ eum, sicut & nos nostrum, hebraice שנה, Caldaice autem שנה, id est tempus. Et hunc annum angelicum, ut plurimum etiam deprehendimus in Daniele propheta. Annus autem magnus Mosaiscus, est spacium quinquaginta annorum civilium nostrorum, à Iubilæo scilicet ad Iubilæum. Sicut enim anno nostro civili, totius agricolationis, redit labor actus in orbem, ut Virgilius inquit, ita anno Iubilæo omnes Israelitæ redibant ad pristinas possessiones patrum suorum, & tota ratio uitæ civilis nascebatur ab integro. Et annus quidem angelicus non quadrat ad hanc tertiam nostram cōiecturam. Si enim ecclesia deberet in hoc seculo durare annos angelicos triginta tres, & paulo plus, exuperatura esset ea summa annorum civilium nostrorum duodecim milia. cum tamen ne mundus quidem ab origine sua ultra septem milia durare debeat, iuxta dictum Eliæ supra traditum. Magnus autem annus Mosaiscus, Iubilæus scilicet, optime quadrat. Nam triginta tres Iubilæi, conficiunt annos nostros civiles Mille sexcentos quinquaginta, quibus



quibus cum adduntur pauci anni, pro portione dierum, quibus Christus ultra tres & triginta annos inter nos uiuit, æquabit ferè dies Nohæ, id est: numerum annorum à condito orbe & Adamo terreno, usq; ad diluuium aqueum, de quo supra in secunda coniectura diximus. Sed age dispiciamus, an singulis Iubilæis ecclesiæ ad singulos annos uitæ Christi adhibitis, aptam rerum gestarum similitudinem possimus eruerè, ut si res ipsæ in hac temporum coaptatione inter se se contentiant, tempora quoq; inter se recte comparata esse minime ambigamus. Principio igitur, sicut nato domino nostro Iesu Christo secundum carnem, ex Maria uirgine, claritas dei circumfulsit pastores, didiceruntq; cælitus, Christum natum, esse SALVATOREM, quem reperturum essent inuolutum pannis in præsepio, ut scribitur Lucæ secundo. ita etiam nato Christo spiritualiter, post resurrectionem, per prædicationem Euangelij, ex uirgine incorrupta, ecclesia, ueros pastores, scilicet apostolos, circumfulsit gloria domini, spiritu sancto in linguis igneis super eos effuso, qui testificabat de Christo, cumq; clarificabat, docēs eos omnia, ut intelligerent scripturas, & Christum in eis, ueluti pannis inuolutum deprehenderent. Item sicut Christo nato, Herodes occidit pueros, sperans se Christum quoq; inter eos occisurum. Ita Christo prædicato, princeps huius mundi, occidit Christianos paruos, id est nouiter per fidem in Christum renatos,

sperans se doctrinam Christi quoque unā cum illis extirpaturū, sed uterque sua spe frustratus est. Item sicut Christus natus, mansit sub Ægyptijs usque ad mortem Herodis, & regnum Archelai, hoc est usque ad ætatis suæ annum sextum ferè completum, ita Christus prædicatus, latuit sub spirituali ægypto, id est sub duplici persecutione, tyrannorum scilicet & hæreticorum, usque ad sextum ecclesiæ iubilæum, hoc est, usque ad finem Diocletiani. מצרים enim, id est Ægyptus, hebræis iuxta ueram etymologiam, significat persecutores, siue persecutiones, numero duali. Item sicut Maria uirgo Christum anno duodecimo Hierosolymis penè amisisset, eumque frustra inter cognatos & notos quæsiuit, sed in templo dei tandē, inter doctores, interrogantem, & respondentem reperit. ita uirgo Ecclesia iubilæo duodecimo, id est circa annum dñi sexcentiesimū, uarijs infestata & turbata hæresibus, maxime Arianorū, Eunomianorū, & Sabellianorū, ex quibus deinde Mahometes pullulauit, Christū penè amisisset, & amisisset omnino, sicut & Mahometani amiserunt, nisi eū in tēplo dei, id est, in sacris scripturis inter doctores, scilicet prophetas, interrogantē & respondentē reperisset. Interrogat autē prophetas, quia nihil neque facit neque docet, quod non sit à prophetis prædictū & contestatum, & respondet ipsdem, quia omnia quæ illi prædixerunt re ipsa præstat, & implet. Item sicut Christo nato, Israelitæ nonnulli pastoribus, Symeoni, & alijs



& alijs, de Christo crediderunt, & reuelationem eius summo defyderio expectarunt. cæteri uerò Ifraelitæ omnes quamuis soli tunc populus dei uiderentur, scilicet pharisæorum, & zaducæorum infecti, & seducti, Christum ignorabant, ac nihil curabant usq; ad prædicationem Iohannis Baptistæ, & tricesimum annum Christi. ita Christo prædicato, nonnulli apostolis ac martyribus uere crediderunt, & Christi synceram cognitionē hauserunt, ac in posteros propagarunt. cæteri autem nomine tantum Christiani, quamuis propter speciem externam ceremoniarum, & operum electiciorum, soli ecclesia dei esse uidebantur, aut zaducæorum epicurismo, aut hypocritarū pharisaismo, infecti ac seducti Christum ignorauerunt, ac nihil curauerunt, usq; ad iubilæum ecclesiæ tricesimum, id est annum dñi circiter millesimū quingentesimū. Item sicut post duodecimum annum Christi, usq; ad tricesimum eius, nihil de eo legimus, nisi quod parentibus subditus, & idiota, ac faber fuerit, interq; idiotas uersatus sit. ita post duodecimum ecclesiæ iubilæum, usq; ad tricesimum, id est à Foca imperatore, qui Papatū seu primatum publico edicto stabiliiuit, ad nostram ferè usq; ætatem, doctrina Christi penes idiotas fuit, qui Symbolo apostolorum, & sacramentis contenti, idola trias, sectas, iusticias, merita et indulgentias papistarū, aut prorsus ignorauerunt, aut certe neglexerūt. hunc præcipue fructum suæ fidei ostendentes, quod maio-

ribus simpliciter & ex animo obedierunt, quatenus  
 id sine iactura pietatis fieri potuit. cum interim ponti-  
 fices, pharisæi, zauiducæi, scribæ, legisperiti, omnes ad  
 unum ferè, neglecta & amissa doctrina Christi, in do-  
 cترینis et tradiuionibus hominum, imò & demoniorū,  
 ut Paulus ait, prorsus essent submersi & excæcati.  
 Item, sicut post tricesimum Christi nati annum Iohan-  
 nes baptista in deserto prædicauit poenitentiam, & ba-  
 ptismum poenitentiae, ut præpararet Christo plebem  
 idoneam, quem deinde digitis ostendit. ita post trice-  
 simum ecclesiae iubilæum, restituta est ecclesiae uera &  
 syncera doctrina legis, de cognitione peccati origina-  
 lis, & aliorum uitiorum, de uera poenitentia & morti-  
 ficatione ueteris hominis, qui est uerus & spiritualis  
 baptismus poenitentiae, ut populus idoneus fiat ad  
 hauriendam doctrinam euangelij, quam doctrina le-  
 gis, quasi digito nobis ostendit. finis enim legis est  
 Christus, ad salutem omni credenti, ut inquit Paulus.  
 Item sicut Christus post Iohannē statim incipit prædi-  
 cationem euangelij: ita & hoc nostro tempore sanam  
 doctrinā legis, statim sequuta est sana doctrina euan-  
 gelij, de remissione peccatorum propter Christum, &  
 iusticia fidei. Item, sicut neq; Iohannes, neq; Christus  
 docuerunt publice, in templo Hierosolymitano, eo  
 quòd pontifices, scribæ, et pharisæi non potuissent eos  
 ferre, sed docuerunt, aut in deserto, aut in Galilæa, ubi  
 profanus magistratus rerum potiebatur & non pon-  
 tifices



DE VLTIMIS TEMPORIBVS.

tifices, ita & nostro tempore, nec doctrina legis, nec euangelium, locum habent in regno pontificum & pharisæorū, sed aut priuatim, quasi in deserto, aut certe sub pñs principibus, tantum auditur hæc doctrina syncera & salutaris. Item sicut Satan tempore Christi uarios excitauit tumultus, primum per Theudā, qui se dicebat esse aliquē, deinde & per Iudam Galilæū, qui auertebat populum, ut doctrinam Christi, tanq̃ illorum tumultibus similem, etiam seditionis efficeret suspectā, ita & nostro tempore excitauit Carolostadios, Zuinglios, Ocolampadios, & similes, qui uolebant esse aliquid. item Muntzeros, Schappeleros, Anabaptistas, & similes, seditionū authores, ut euangelij doctrinam foeliciter renascentem, suspectam redderet, & inuisam, sed frustra. Pereunt enim tales, & discipuli eorum dilabunt, salua euangelij doctrina. Item sicut Christus statim circa initium suæ prædicationis, hoc est primo paschate, eiecit ementes & uendentes de templo, ita & doctrina euangelij, statim ut orta est, post tricesimum ecclesiæ iubilæum, eiecit ementes & uendentes indulgentias, & alias huiusmodi nugas, & feces papisticas, ex ecclesia. Possem & alia multa recensere, sed desino, breuitatis causa. Tum quia hæc satis superq̃ sunt, ad probandum, quod annis uitæ Christi exacte respondent iubilæi ecclesiæ. Tum quia pñ & in sacris literis recte eruditi, per sese plura inuenient. Demum etiam, quia nolo aduersarios Christi obstinatos & fu-

& furijs agitados, cautiores, & ad nocendum astutiores reddere. oportet enim eos in lapidem offensionis impingere, ut cadant irreperabiliter. & cōterantur, & irretiantur, & capiantur, ut Esaias inquit. Cæterum cum re ipsa comperiamus, iubilæos ecclesiæ, cum annis uitæ Christi tam apte conuenire, quis non persuasum habeat, ecclesiam tricesimum quartum iubilæum, in hoc mundo non completuram? sicut neq; Christus tricesimum quartum ætatis suæ annum in hoc mundo compleuit, sed eo nondum ad dimidium elapso, ad cælos ascendit? Quare uerissimillimum est, post tricesimum tertium ecclesiæ iubilæum, hoc est, post annū uel à natiuitate, uel à resurrectione domini, Millesimū sexcentessimum quinquagesimum admodum breue tempus superesse ad finem mundi, quod quidē quantum sit futurum, nemo determinare potest, nisi qui natalem Christi diem certo cognouerit, quē sub bruma fuisse mihi non sit uerissimile, cum sub horam natiuitatis eius, pastores ouiculas suas, etiam noctu, sub dio continuerint.

## CAPVT IIII.



Varta coniectura, quæ est omnium euidentissima, sumitur ab urbe Rhoma. Nam Sacra scriptura clarissime testatur, Urbem Rhomam, summam dominationem, omnino, bis obtenturam; & in utraq; certum annorum numerum, duraturam esse. Porro urbe Rhoma secundo



clario extincta & deleta, non est dubium finem mundi  
 adesse præforibus, Prima autem dominatio, fuit ciui-  
 tatis Rhomanæ, secunda uerò est Curia Rhomanæ.  
 Primam describit Daniel propheta capite septimo,  
 quæ durauit usq; ad Constantinum Magnum & pau-  
 lo amplius. Secundam describit Paulus in secunda ad  
 Thessalonicenses capite secundo. Iñ Iohannes in Apo-  
 calypsi capite decimotertio & decimoseptimo, quæ  
 durabit posthac non diu. Quare utrosq; de utraq; au-  
 diamus, seorsim, & primo Daniele, de priore, sed  
 sic, ut si necesse sit, aliquid interloquamur, uel inter-  
 pretandi, uel certe admonendi, & excitandi causa. id  
 enim plurimum conducet cum breuitati, tum etiam  
 perspicuitati. Ad hunc autem modum scribit D A N I  
 E L. Videbam in uisione mea nocte, & ecce quatuor  
 uenti cæli pugnabant in mari magno, & quatuor be-  
 stiaæ grandes, ascendebant de mari, diuersæ inter se.  
 O S I A N D E R. Angelus in Apocalypsi capite de-  
 cimoseptimo, dicit ad Iohannem: Aquæ quas uidisti,  
 ubi meretrix sedet, populi sunt, & gentes, & linguæ.  
 Mare igitur magnū, colluuiēs est omnium gentium  
 totius orbis terrarum, ex quibus oriuntur quatuor  
 magna regna in hoc mundo. D A. Prima quasi leæna,  
 & alas habebat aquilæ, aspiciebam donec euulsæ sunt  
 alæ eius, & sublata est de terra, & sup pedes quasi ho-  
 mo stetit, & cor eius datum est ei. O S. זרת מלכות  
בבלית. Hoc est regnū babylonici. D A. Et ecce be-  
 stia

stia alia similis urso in parte stetit, & tres ordines erāt in ore eius & in dētib. eius, et sic dicebāt ei: Surge comede carnes plurimas, O S. זאת מלכות מדינת פרסיה .i. Hoc est regnū Medicū & Persicū. D A. Post hęc aspiciebam, & ecce alia, quasi pardus, & alas habebat quasi auis quatuor super se, & quatuor capita erant in bestia, et potestas data est ei. O S. זאת מלכות יונייה .i. hoc est regnum Græcum. D A. Post hęc aspiciēbā in uisione noctis. Et ecce bestia quarta, terribilis atq; mirabilis, & fortis nimis. O S. זאת מלכות רומייה .i. Hoc est regnum Rhomanum. Et hic Christiane lector, diligenter considera, & perpende, numerum nominis huius bestię. D A. Dentes ferreos habebat magnos, comedens atq; comminuens. O S. quia claruit uirtute bellica. D A. Et reliqua pedibus suis conculecans. O S. Quia uictos tyrannide oppressit, D A. Dissimilis autem erat cæteris bestijs, quas uiderā ante eam, & habebat cornua decem. O S. Sicut octauo capite Daniel recenset se uidisse hircum caprarum, qui habebat cornu insigne inter oculos, quo effracto, orta sint quatuor cornua subter illud, significans, post Alexandrum magnū, quatuor reges, qui simul, quisq; suo in loco regnarent, fuisse orituros, nempe Antigōnum in Asia, Seleucum in Syria, Ptolemæum in Ægypto, & Antipatrum in Græcia. ita & hic per decē cornua, significat decem prouincias consulares imperij rhomani, quibus totidem uiri consulares quisq; suæ prouin

prouinciæ quam sortitus erat, cum summo imperio præsidebant. Quòd autem imperium Rhomanum, in decem prouincias consulares, nec plures, nec pauciores diuisum fuerit, & quòd, si aliqua consularis fiebat, quæ prius prætoria fuerat, alia è regione, quæ prius consularis fuerat, numero eximebatur: cum reliqui historiographi passim, tum uerò Strabo, in fine suæ geographiæ satis clare testatur. D A. Considerabam cornua, & ecce cornu aliud paruulum oriebatur de medio eorum, & tria de cornibus eius primis euulsa sunt à facie eius. O S. Hoc cornu paruulum C. Iulius Cæsar est, qui cum in Gallia, ut unum è decem cornibus, res foeliciter gereret, domi uerò, quo minus in consulatu petendo, absentis eius ratio haberetur, inimici eius, per inuidiam obstarent, relicta uocatione, in qua fuerat, patriæ bellum infert, & sic nouum cornu fit, paruulum quidem, sed quod cito grandescit, & in caput, quod os & oculos habet euadit, ut deinceps audiemus. itaq; bello ciuili conflato, tria cornua, id est tres uiri summo imperio præditi, & exercitus contra ipsum ducentes, duo scilicet consules, & Pompeius, à facie eius sunt euulsi. Id est uicti, non ut illa tria cornua funditus extirparentur, & septem tantum remanerent, sed ut angelus paulo post interpretabitur, tantum humiliarentur, manserunt enim decem cornu. D A. Et ecce oculi quasi oculi hominis erant in cornu isto, & os loquens ingentia. O S. hoc est quod dixi,



cornu illud paruulum cito grandescit & mutatur in caput. Nam per C. Iulium Cæsarem, introducta est monarchia Cæsarium, quæ non fuit unum è decem cornibus, sed unum è septem capitibus, de quibus in apocalypsi clarius audiemus. Scio aut quosdã magni nominis uiros, à quorũ iudicio, neq; temere, neq; libèter discedo, putare hoc cornu paruulũ, fuisse Mahometẽ illũ impiũ, sed quia hoc regnũ Rromanũ, de quo Daniel hic loquitur, funditus perijt, antequã Mahometes ille nasceret, & quia Mahometes Rromani imperij membrum nunquam fuit, nec Iohannes in decem cornibus posterioribus eius meminit, non dubito eorum sententiam, quod quidem bona illorum pace fieri exopto, simpliciter esse repudiandã. DA. Aspiciebam donec throni positi sunt, & antiquus dierum sedet. OS. Antiquus dierum deus pater est, qui sedet ad iudicandum, & damnandum, quatuor illa magna regna, eo quòd Christo noluerunt obedire, sed uerbum eius repudiauerunt, & apostolos cum multis milibus martyrum occiderunt. Hoc iudicium dei occultum. mundus nec hodie intelligit, sed deus pater non frustra dixit ad Christum, Sede à dextris meis, donec ponam inimicos tuos scabellum pedũ tuorum. DA. Vestimentum eius candidum sicut nix, & capilli capitis eius quasi lana munda, thronus eius flammæ ignis, rotæ eius ig. is accesus, fluuius igneus rapidusq; egrediebatur à facie eius, milia milium ministrabant ei, &

decies

decies centena milia assistebant ei, iudicium sedit, & libri aperti sunt. O S. Non solum deus pater ad iudicandum sedit, uerum etiam alij, siue angeli, siue piorum propter Christum occisorum animæ, & libri, in quibus cōscripta erant, horribilia facinora istarum bestiarum, seu regnorum, propter quæ, damnata & damnanda, ac funditus etiam extirpanda erant, aperiuntur & leguntur. D A. Aspiciebam propter uocem sermonum grandium, quos cornu illud loquebatur. O S. Cornu illud monarchia Cæsarium est à C. Iulio Cæsare introducta, quæ Christum & doctrinam eius blasphemauit, edicta publica contra Christianos proposuit, apostolos occidit, multa milia martyrum crudelissime trucidauit, dæmones pro dijs adorandos præcepit, ad sacrificandum illis multos coegit, & quis enumerare potest grandes illas atq; horribiles contra deum uerum blasphemias, quas impia Rhoma tunc sanguine sanctorum ebria euomuit? D A. Et uidi quoniam interfecta esset bestia, & perisset corpus eius, & traditum esset ad comburendum, aliarum quoq; bestiarum ablata esset potestas, & tempora uitæ constituta essent eis usq; ad tempus & tēpus. O S. Deus pater iam olim, omnibus regnis huius mundi summum imperium abrogarat, & Christo unigenito filio suo, decreto cælitus promulgato attribuerat, cum diceret, Hic est filius meus dilectus, in quo mihi cōplacui, IPSVM AV DITE, Non ut postea regna & imperia non essent.

uult enim deus esse regna, esse imperia, geri magistratus, administrari rempublicam, uigere leges & iudicia, defendi bonos, puniri fontes, sed ne omnia pro libidine sua gererent, quemadmodum hæ quatuor bestię fecerant, quæ neq; deum neq; homines metuerāt, aut curauerant, Quin potius uult, ut in Christum credant, illi obediant, uerbo eius erudiantur, & sic subditos regant, ut se quoq; in cælis dominum habere sciant, ac præ se ferant. Verum impia rhoma, hoc cælesti dei patris edictum contemnit, resurgentem à mortuis Christum, cui data est omnis potestas in cælo & in terra, non agnoscit, apostolis non credit, miraculis non cedit, constantia martyrum non frangitur, nec ulla suppliciorum crudelitate, quæ p̃is inflixit exsaturatur, sed rebellis manet & blasphema. I D E O deus pater, summus iudex & monarcha, in cælesti consessu, lata diffinitiuā sententia, adiudicat eam morti, Qua sententia lata, maiestas imperij, tanquam anima corporis illius bestię, emigrat, per Constantinum magnum Constantinopolim translata. corpus eius deinde, effuso super illud contemptu, putrescit, & quasi tabe diffluit, rebellantibus omnibus ferè gentibus, & Italiam deprædantibus, donec tandem Rhoma per Gothos uastata & igne concremata est, post mille ferè ac ducentos annos, quā condita fuit. Et hic est finis, hæc sepultura, prioris regni Rhomani, quod ut diligenter meminisse uelis, te Christiane lector, etiam atq; etiam admo-



admonéo. Aliæ aut beſtiæ, ſummū imperiū iam olim amiſerant, & uix miſeras aliquas reliquias, prioris maieſtatis retinebant, quas tamen, quia Chriſtum repudiabant, etiam amittunt. Nullus enim angulus in toto mūdo fuit, in quo regna & imperia illo ſeculo, quo & Roma cecidit, non aut funditus euerterentur, aut certe inſigniter mutarentur. Sed audiamus porro Danielē. D A. Aſpiciebam ergo in uifione noctis, & ecce cum nubibus cæli, quaſi filius hominis ueniebat, & uſq; ad antiquum dierum peruenit, & in conſpectu eius obtulerunt eum, & dedit ei poteſtatem & honorem, & regnum, et omnes populi, tribus, et lingue ipſi ſeruiē. Poteſtas eius poteſtas æterna, quæ non aufertur, & regnum eius quod nō corrumpetur, horruit ſpiritus meus. ego Daniel territus ſum in his, & uifiones capitis mei conturbauerunt me. O S. Hæc eſt altera pars huius diuini ac cæleſtis iudicij, quo Chriſtus dominus noſter, extincta dominatione urbis Romæ, in poſſeſſionem imperij mittitur, & eccleſia deinceps Chriſtianos imperatores fortitur, ut Conſtantinum magnum, & ſimiles, qui Chriſtum regem regum, & dominum dominantium agnoſcunt. Pulchre autem deſcribit Chriſtum, filium hominis appellans, qui unā cum nubibus, aſcendit è terris ad cælos, & ad antiquum dierum peruenit, iuſſus conſidere à dextris eius, donec inimicos ipſius, ſcabellum pedum eius efficiat. quod cum apud potentes fruſtra per euangelium

tentatur aliquandiu, nolunt enim credere & cedere,  
 tum perduntur tandem & extirpantur. Christus aut  
 deo patri offert, ut qui solus dignus sit accipere uirtu-  
 tē, & diuitias, et sapientiā, & fortitudinē, & honorē, &  
 gloriā. Apo. 5. Id quod iudicio patris comprobatur,  
 dat enim ei omnem potestātē, realiter & cum effectu.  
 nam extincta rhomana dominatione, euāgeliū ubiq;  
 gentium propagatum est, & idololatria uetus ubiq;  
 locorum extincta. Neq; nos mouere debet, quod mul-  
 ti postea iterum rebellarunt, & derelicto Christianis-  
 mo, Mahometani facti, aut in alias impietates relapsi  
 sunt, hoc enim maiestatem & imperium Christi non  
 minuit, sed augustiora etiam reddit. cum paulo post,  
 magna cum gloria affuturus sit, atq; hos rebelles, ue-  
 re extremo supplicio affecturus, id quod ipse de se pul-  
 cherrima similitudine testatus est, Lucę decimonono,  
 ubi dicit. Homo quidam nobilis abiit in regionem  
 longinquam, ut acciperet sibi regnū ac reuerteretur.  
 Ciues autem eius (qui nō possunt intelligi, nisi qui ali-  
 quando crediderunt) oderant eum, & miserunt lega-  
 tionem post eum dicentes: Nolumus hunc regnare su-  
 per nos, &c. reuersus autem, post alia, dixit: Inimicos  
 illos meos, qui noluerunt me regnare super se, addu-  
 cite huc, & occidite coram me. Regnum igitur Christi  
 quod in hoc mundo obtinet, credentes uerbo et spiri-  
 tu suo gubernans, incredulos autem uarijs plagis ad-  
 monitos, aut emendans, aut incorrigibiles ad inferos:

detruē

detrudens, est regnum æternum, quod extremo iudicio purgabitur ab omnibus scandalis, & sic deinceps neq; auferetur neq; corrumpetur. Caue autē, ne quisquam tibi persuadeat, Danielelem hoc in loco de extremo iudicio loqui. Nam hic iudicat Pater de quatuor bestiis, in extremo iudicio pater non iudicabit quendam, quia omne iudiciū dedit filio, ut iudicet uiuos & mortuos. Hoc iudiciū factum est in cælo, ignorante mundo, illud fiet in terris, præsentē toto mundo, angelis atq; diabolis. Hoc iudiciū factum est Christo è terris unā cum nubibus cæli ad patrē profecto, illud fiet, eodem Christo, cum nubibus cæli & maiestate magna à patre in terras iterum reuerso. Deniq; nihil est in hoc loco Danielis, quod ad extremum iudiciū torquere possis, nisi uelis totam uisionem obscurare & deprauare. D A. Accessi ad unum de astantibus, & ueritatem quærebam ab eo de omnibus his, qui dixit mihi interpretationem sermonum, & docuit me. Hæ quatuor bestię, quatuor sunt regna quæ consergent de terra. O S. scilicet Babylonicum, Persicum, Græcum, & Rhomanum, ut supra dictum est. D A. Suscipient autem regnum Sancti dei altissimi, & obtinebunt regnum, usq; in seculum, & in seculum seculorum. O S. scilicet finita priore urbis Rhomæ dominatione, non solum Christus regnabit, ut supra dictum est, uerumetiā sancti eius cum eo, quia semel declarata Christi diuinitate, per propagationem Euan-

e gelij



gelij & deiectionem ueteris idololatrię, cœperunt esse Christiani magistratus, & deinceps omnia imperia tenentur illi obedire. Porro cum Christus regnet non ui & armis, sed uerbo et spiritu suo, nec tamen ipse coram loquatur, sed tantum, per sanctos suos: sequitur sanctos quoq; regnare cum Christo, quia uerbum et uoluntatem Christi, docent et interpretantur sancti, Ideo Christus dicit: Qui uos audit me audit, et qui uos spernit me spernit. Itaq; quicquid unus quilibet ex minimis Christianis uere sanctis, per uerbũ Christi, & spiritum eiusdem docuerit, iusserit, aut prohibuerit, hoc etiam summi in mundo monarchę, non magis contemnere, aut transgredi debent, quàm si Christus ipse coram id illis præciperet, Et nisi obedierint, haud dubie pœnas dabunt, siue in hac uita siue in futura. Nota autem, quòd Daniel hos sanctos, uocat altissimos (ita enim est in hebræo) quasi dicat, non de quibuslibet sanctis loquor, sed de ueris & cœlestibus sanctis, qui uerbo Christi & spiritu eius sanctificati sunt. Nam sunt quidam sancti externa quadam sanctitate, quia rasi, & oleo uncti sunt, quorum multos sanctissimos in Christo patres appellamus, cum sint execrabiles, & abominatio coram deo. D A. Post hoc uolui diligenter discere de bestia quarta, quę erat dissimilis ualde omnibus, & terribilis nimis. Dentes & ungues eius ferrei, comedebat et comminebat, & reliqua pedibus suis conculcabat. Et de cornibus decem, quę

quæ habebat in capite, & de alio quod ortum fuerat, coram quo ceciderant tria cornua, de cornu scilicet illo, quod habebat oculos, & os loquens grandia, & maius erat cæteris. Aspiciēbā & ecce cornu illud faciebat bellū aduersus sanctos. O S. Aspexerā dicere debuit interpres, scilicet anteaquā bestia morti adiudicata esset, cætera omnia ex supradictis clara sunt. D A. Et præualebat eis donec uenit antiquus dierum, & iudicium dedit sanctis excelsis, & tempus aduenit, & regnum obtinuerunt sancti. Et sic ait, O S. scilicet Angelus ille unus de assistentibus. D A. Bestia quarta regnum quartum erit in terra, quod maius erit omnibus regnis, & deuorabit uniuersam terram, & concubabit & cōminuet eam. Porro cornua decem, ipsius regni decem reges erunt. O S. More hebræo, decem proconsules, Rhomanum orbem, cum summo imperio administrantes, decem reges uocat. D A. Et alius consurget post eos. O S. scilicet Cæsar monarcha. Oportet autem per hoc cornu, in caput mutatum, omnes Rhomanos Cæsares, continua successione imperantes intelligere, sicuti per unum quodlibet decem cornuum omnes proconsules, continua successione, eandem prouinciā regentes necessario intelligimus. D A. Et ipse potentior erit prioribus, & tres reges. O S. .i. tres consulares summū imperium gerentes, duos scilicet Consules Rhomanos urbis, & Pompeiū. D A. Humiliabit. O S. Vides hic, quod non Decar

chiam dissoluere , sed tantum personas deuincere debebat, ut humiliati, cōcederent illi dominatum regiū, ut Cicero appellat. D A. Et sermones contra excelsum loquetur, & sanctos altissimos conteret . Et putabit, quòd possit mutare tempora & leges. O S. Id est, opprimere & extirpare Christianam religionem , dicit enim, *וְיָמֵי יָרֵת* id est tempora , & morē religionis. Tempora autem uocat , fatales rerū successus, uni cuiq; tempori debitos. D A. Et tradentur in manu eius usq; ad tempus, & tempora, & dimidium temporis. O S. Hoc more scripturæ sacræ intelligendum est , non quòd unicum illud cornu, oculos , & os habens, tam diu durauerit, sed tota Rhomanæ urbis dominationio, ab incunabulis scilicet urbis conditæ, usq; ad finem dominationis prioris. Quemadmodum & in libro Iudicum scriptura loquitur, capite tertio . Fecerunt filij Israel malum in conspectu domini , & obliti sunt dei sui , seruientes Baalim & Astaroth , iratusq; dominus contra Israel , tradidit eos in manus Cusan Rasathaim, regis Mesopotamiæ, seruiueruntq; ei octo annis . Et clamauerunt ad dominum, qui suscitauit eis saluatorem, & liberauit eos , & quieuit terra, quadraginta annis. Hic enim nequaquam est intelligendum, quòd post liberationem , pacem habuerint continuos quadraginta annos, sed hoc totum, quòd peccauerūt, quòd obliti sunt dei, quòd seruiuerunt idolis, quòd traditi sunt hosti, quòd clamauerunt, quòd liberati sunt,

& ali



specie religionis, superstitione, & falsis miraculis incrementum accepit. In qua describenda Iohannes in Apocalypsi diligentissime uersatur, hoc unum ueluti scopum nobis proponens, quòd dominatio urbis Rhomæ, postq̃ semel cecidisset, prorsusq̃ extincta esset, denuo ac nouo modo ab interitu emeritura esset. Cum autem urbem Rhomam nusquam aperte nominare uellet, ne persecutionem ecclesiæ, quæ iam tum atrocissima erat, asperiorē redderet, duo necessario facit, Primo diligentissime describit, qualis ante priorem casum suum fuerit ea bestia, seu dominatio, quam palam nominare non uult, quæq̃ post casum suū & omnimodam internitionem, tam celeriter iterum rediuita inualuerit, ut omnibus circumstantijs diligentissime expressis, solo nomine suppresso, nos quā certissimos redderet, quòd de urbe Rhoma loqueret̃. Secundo artificiosissime depingit nobis, omnes posterioris dominationis conditiones, quid cum priore habitura sit commune, & quid non, ut eam diligenter cognitā, uelut portas inferorum, & barathrum æternæ damnationis effugeremus. Nec contentus fuit, hac tam diligenti pictura, quam capite decimotertio nobis proposuit, uerum etiam interpretationem, quam ab angelo, instar Danielis accepit, capite decimosextimo subiungit, quam nos breuitatis causa, narrationi eius, interferemus, Sic autem dicit. IOH. Vidi de mari bestiam ascendentem. OS. Hanc bestiam capite decimosexti

mo iterum uidit, & angelus eam interpretatus est dicens: Bestia quam uidisti, fuit, & nō est, id est, fuit qui dem qualem eam Daniel descripsit, sed non est, quia imperium ei iam tum diuinitus erat abrogatum, sicut supra audiuius. sed quia cæleste illud dei patris decretum de Christo nondū executioni mandatum erat, ideo angelus paulo post adhuc clarius dixit, fuisse eā, & non esse, quanquā sit, *καὶ οὐκ ἔστιν*, scilicet, ut quæ certæ internitioni destinata, nondum tamen omnino funditus esset extirpata. IOH. Habentem capita septem, & cornua decem. OS. Hoc quoq; interpretatus est angelus ita inquiring, Hic est mens, quæ habet sapientiā. Septem capita septem montes sunt, super quos mulier sedet, & reges septem sunt, & (paulo post inquit) mulier quam uidisti, est ciuitas magna, quæ habet regnum, super reges terræ. Igitur septem capita duplicē habent interpretationem. Primo enim significant septem montes, siue colles, quos urbs Rhoma intra muros suos complexa fuit. Septē quæ una sibi muro circumdedit arces, ut Virgilius inquit. Et hæc est una de insignioribus notis urbis Rhomæ, quod supra septem montes ædificata sit, quod quidem de nulla alia urbe totius mundi unquam fando auditum est. Secundo, septem capita, significant septem reges. Sed quia decē cornua, etiam significant decem Reges, quæ res confusione uidetur facere, ideo diligenter quærendum est discrimen idoneum, & cum rei ueritate consentiēs, quod

quod quidem statim deprehenditur in interpretatione angeli, qui de septem regibus dicit, quinque cecidisse unum esse, & ultimum nondum uenisse, unde manifestum est, hos septem reges successiue regnasse. De decem regibus autem inquit, hi potestatem una hora accipient, id est simul regnabunt, quisque in suo loco, sicuti decem proconsules in priore urbis dominatu. Sed hic sciendum est, & diligentissime notandum, quod in talibus mysterijs, Rex non significat unam singularem personam, sed omnes reges, sibi continua serie succedentes, quam diu forma regnandi non mutatur, sicut Danielis undecimo. Rex Austri significat omnes reges Ægypti à Ptolemæo Lago, usque ad Cleopatram, & Rex aquilonis, significat omnes reges Syriæ à Seleuco Nicanore, usque ad Antiochum Epiphanem. Quare hic quoque ita accipiendi sunt. Manifestum est autem, urbem Rhomam in priore dominatu, habuisse septem capita, id est septem genera regum seu summi imperij successiue. Principio enim reges constituunt primum caput, deinde consules, secundum, postea Decemviri scribendarum legum causa, cum summo imperio creati, tertium, item Dictatores, quartum, Triumviri uero post Iulij cædem, quintum, Cæsares monarchæ, sextum, Tandem Imperatores externi, qui de familia Cæsarum non erant, septimum caput constituerunt. Vnde angelus recte ac clare loquitur cum dicit: Quinque ceciderunt, id est Reges, Consules, Decemviri, Dictatores,

f ij. & Tri-



& Triumviri præterierunt, sextus est, id est monarchia Cæsarum iam uiget. Nam S. Iohannes hæc sub Domitiano Cæsare conscripsit. Septimus autem nondū uenit, quia nullus adhuc externus imperator, creatus erat. Decem autem cornua, id est decem reges, qui simul in diuersis locis, & non successiue in uno loco regnaturi dicuntur, fuerunt in priore dominatione, pro consules, in hac autem posteriore, sunt decem regna, quæ urbem Rhomam, ut caput omnium ecclesiarum agnoscunt, scilicet Hispania, Portugallia, Gallia, Anglia, Scotia, Dania, Polonia, Bohemia, Hungaria, & regnum Rhomanum. Fuerunt autē aliàs alia, alijs subinde cadentibus, & alijs emergentibus, semper tamen circiter denarium numerum uersantur. IOH. Et super cornua eius decem diademata. OS. Quia summo imperio prædita sunt. IOH. Et super capita eius nomen blasphemiae. OS. Audierant enim ex prophetis & Sibyllis, olim regnum, quod æternum esset, in terris oriturum, nimirum regnum Christi, uerum hoc ipsum illi suo regno Rhomano adaptabāt, Vnde Iupiter apud Virgilium, Imperium sine fine dedi, & iterum, his ego nec metas rerum nec tempora pono. Magna autē blasphemia est, laudē & Maiestatem æterni imperij, filio dei debitam, impiæ Rhomanæ urbis tyrannidi arrogare. Poteram alia dicere de hac blasphemia, sed quia certum est, nullum ex his septem capitibus, in posteriore dominatione conspici, sed tantum

octa

octauum, ut infra audiemus . non debebant blasphemiae posterioris, attribui capitibus prioris. IOH. Et bestia quam uidi, similis erat pardo, et pedes eius sicut pedes ursi, & os eius sicut os leonis. Et dedit illi draco uirtutem suam, & sedem suam, & potestatem magnā. OS. Sicut enim draco princeps huius mundi uocatur à Christo, & regnat sub cælo cum alijs spiritibus nequam, rectoribus harum tenebrarum, spiritualiter & inuisibiliter, ita dat uirtutem, sedem, & potestatem suam huic bestiae, ut & ipsa draconis istius instinctu secundum morem & uoluntatem eius, regnet etiam corporaliter & uisibiliter. IOH. Et uidi unum de capitibus eius quasi occisum in mortem, & plaga mortis eius curata fuit. OS. Hoc caput, est monarchia Cæsarum, quæ orta est in C. Iulio Cæsare. Quo à coniuatis, uiginti tribus uulneribus confosso & occiso, uidebat monarchia funditus euersa & peritura, quod tamen factum non est, sed conualuit, & iterum stabilita fuit in Octauiano Augusto. IOH. Et admiratio fuit in uniuersa terra post bestiam, & adorauerūt draconem qui dedit potestatem bestiae, & adorauerunt bestiam dicentes, quis similis bestiae, & quis poterit pugnare cum ea. OS. Sicut supra dixi, fama sparsa erat in toto orbe terrarum, eaq; originem ex prophetis & Sibyllis duxerat, oriturum esse circa illa tempora in terris regnum æternum, quod quidem impijs uisum fuit in monarchia Rhomana impletum esse, præser-

tim cū tam probe esset stabilita, & totus orbis tam fœ-  
 liciter pacatus, ideoq; putauerunt illud singulari confi-  
 lio summi dei esse factū . Sed uerus deus, uoluit hanc  
 gloriam & Maiestatem æterni imperij filio suo serua-  
 re, non urbi Rromanæ donare . Quare factum est, ut  
 cum impij in cordibus & cogitationibus suis adora-  
 rent cum deū , qui Rromanā monarchiā stabiliuisset  
 in æternum, non adorarent uerum deum, ut sibi uides-  
 bant, deus enim uerus nequaquā stabiliuerat imperium  
 Rromanū , quod paulo post perdere cogitabat, sicut  
 prophetæ prædixerant, & exitus probauit. Sed adora-  
 bant Satanā, qui hanc portentosam opinionē de æter-  
 no Rromanæ urbis imperio sparserat in mundum,  
 quicq; monarchiā eiusdē ideo promouerat , & potesta-  
 tem suam illi dederat, ut per unū, facilius & crudelius  
 sæuiret in Christianos. Si em̄ summa rerum penes Se-  
 natū mansisset, nunquā tanta rabie in Christianos à Sa-  
 tana concitati fuissent, quanta deinde Nero, Domitia-  
 nus, & similes in eos debacchati sunt. Adorauerūt etiā  
 bestiā, quia imperiū diuinitus constitutū putabant, &  
 Cæsares deificabant, aut turpissima adulatione, aut ex-  
 trema cæcitate. Cum em̄ dicunt : Quis similis bestiæ?  
 hoc dicunt, hæc bestia deus est . De solo em̄ uero deo  
 dici cōuenit: Quis similis tui dñe ? Cū aut̄ dicunt: quis  
 poterit pugnare cū ea, dicunt eam inuictā, & diuinitus  
 constitutā, Quia aut̄ pugnx mentionem facit, insinuat  
 nobis, se hætenus urbē Rromā depinxisse per notas



prioris dominationis, quia posterior pollet non armis bellicis, sed fūco. Itaq; S. Iohannes hactenus nihil aliud dixit, quàm quòd illa urbs, quæ sit ædificata, super septem montes, & habuerit septem genera summorum magistratuū, imperiūq; in decem prouincias, seu regna distributū, quæq; blasphema præsumptione putauerit se perpetuo ac in æternū regnatūrā, in qua potentissima monarchia Cæsarū contra uoluntatē S. P. Q. R. magna omnium admiratione sit orta, & cū eadem letaliter esset sauciata, tamen ita fuerit restituta et stabilita, ut res imperitis & impijs diuinitus geri uisa sit, illa inquā urbs, postquam omni illa dominatione omnino fuerit exuta, ac prorsus extincta: post interitū tamen suum, iterum sit emerfura, ac Satana illam potentem reddente, atq; in perniciem humani generis, maximo Christianorū armāte, nouo modo ad summā sit dominationē peruentura. quod quidē paucioribus & clarius potuisset dicere, si uoluisset urbē Rhomam aperte atq; palā nominare, uerū id ecclesiæ tum, ut diximus nō expediebat. Restat igit ut nunc audiamus, qualis q̄modo emerferit. Non em̄ omnino talis emer sit qualis antea fuit. Hoc aut angelus ille uisionis interpres, clarissime nos docet cū dicit, bestia quam uidisti fuit & nō est, & ascēfura est de abyssō, & in interitum ibit, id est, in æternā damnationē, cuius causam post audiemus, & mirabunt inhabitantes terrā, quorū noīa scripta nō sunt in libro uitę à cōdito mundo, uidentes

bestiam

bestiam, quæ fuit & non est, scilicet, quū iterum emer-  
 serit. Sicut enim gentes olim admiratæ sunt monarchiā  
 Cæsarium, ita superstitiosi & impij nunc admirantur  
 hanc posteriorem dominationem urbis Rhomanæ,  
 sed pergit angelus & dicit. Hic est mens quæ habet sa-  
 pientiam, septē capita, septem montes sunt, super quas  
 mulier sedet, & reges septem sunt, quinque ceciderunt,  
 unus est, & alius nondum uenit, & quū uenerit, oportet  
 illum breue tempus manere. Et bestia quæ erat, &  
 non est, ipse octauus est, & de septem est, & in interitum  
 uadit. Hoc est, bestia illa quæ fuit & non est, quan-  
 do iterum emerget, nullum habebit illorum septem  
 capitum. oportet enim ea omnia prius cadere, & sic  
 bestiam penitus interire, antequam posterior domina-  
 tio Satana excitare oriatur, neque enim in posteriore ur-  
 bis dominatione, uel reges, uel consules, uel decemui-  
 ri, uel dictatores, uel triumuii, uel Cæsares Rhomæ  
 regnabunt, sed Octauus, id est Papa solus, qui tamē  
 dicitur ē septem esse, quia Imperatoribus externis, qui  
 ultimum caput inter septem fuerunt, multis in rebus  
 ualde similis est, Hoc uno autē maxime differt, quod  
 cum illi ciuilitate regnarint, & uerbum dei tantum ar-  
 mis impugnarint. Iste sub specie religionis regnat, &  
 sub prætextu interpretationis, doctrinā Christi adul-  
 terat ac peruertit, sacramenta eius suis additionibus  
 & abusibus contaminat, doctrinas dæmoniorum sta-  
 bilis, et ut filius perditionis, cū omnibus sequacibus.

ô horæ

& aliquandiu pacem habuerunt, gestum est quadraginta annis. Similiter & hic de Rhoma, nequaquā est intelligendum, quòd unicum illud cornu tam diu durauerit, ac sanctos afflixerit, sed hoc totum, quòd Romanum imperium ortum est, quòd adoleuit, quòd in decem consularia imperia distributum fuit, quòd monarchia Cæsarum in eo extitit, quòd ea religionem Christianam, plusquam trecentis annis atrocissime impugnavit, quòd ob hoc à deo cælesti iudicio damnatum fuit, & tandem extinctum. hoc inquam totum gestum est, per tempus & tempora, & dimidium temporis. Certum est autem, quòd hac forma loquendi significet tres annos & dimidium, nō tamen sine causa eos separauit. Nam Hebræi agunt annos, non solares, sed lunares, ex duodecim mensibus, hoc est trecentis quinquaginta quatuor diebus constantes, quos tamē mense intercalari, tertio aut quarto anno, ad Solares restitunt. Porro neq; unus, neq; duo anni, intercalarem admittūt. Vult igitur eos intelligi, sine mense intercalari, hoc est mille ducentos, quadraginta circiter dies. Verum Daniel in huiusmodi mysterijs, non uulgari bus diebus & annis utitur, sed angelicis, ut supra in tertia coniectura prolixè indicauimus. Cuius certissimū argumentum extat in fine duodecimi capitis, ubi unus angelus ab alio quærit, usq; quo finis horum mirabilium; et ille iuratus per uiuentē in æternum respondit

בי למדע מועדיה וחזי, id est, usq; ad tempus tem-



porum & dimidium. Nequaquam enim in eo loco legendum est, usq; ad tempus & tempora & dimidiū, sicut uulgati codices habent, sed sicut nos interpretamur. Est autem sententia angeli, quod à tertio anno Cyri usq; ad finem omnium mirabilium, quæ in ea uisione reuelata sunt, et usq; ad Christum, qui finitis illis mirabilibus statim uenturus erat, clapsurum sit, tempus temporum, & dimidium, id est annus annorum & dimidius, hoc est sesquiannus angelicus, qui comprehendit ciuiles nostros, quingentos triginta duos, si ad annum lunarem respicimus. Est em̃ annus annorū, qui componitur, non ex trecentis quinquaginta quatuor diebus, sed ex totidem annis uulgaribus. Certū est autem ex Ptolemæo, ab initio regni Nabuchodonosoris, qui ab eo Nabopolassar uocat, usq; ad natiuitatem Christi fluxisse annos ciuiles sexingentos uiginti quinque ferè, A quibus si dempseris decem nouē, ante destructionem Ierusalem, & septuaginta captiuitatis, & tres primos annos Cyri, relinquētur quingenti triginta duo anni, & aliquot menses, qui exacte faciunt tempus temporum & dimidium. Cum igitur manifestum sit, Daniele in huiusmodi mysterijs explicādis, angelicis diebus, & annis uti, ac contra, cum uulgare tempus uelit intelligi, redigat illud in dies, & addat, uespere & mane, uti ne angelicum tempus intelligamus. non est dubium, quin hoc loco quoq; angelicos annos oporteat intelligi, præsertim cum etiam ex

DE VLTIMIS TEMPORIBVS.

augurio Romuli prædictum à Vectio non ignobili augure sit. quia urbs Rhoma centesimum uigesimalū annum incolumis præterisset peruenturam ad mille ducentos. Est igitur sententia Danielis, urbem Rhomam sub monarchia Cæsarum, persecuturam ecclesiā dei uiuentis, & dominaturā, donec cōpleat ætatis suæ annos angelicos tres & dimidiū, id est, ciuiles annos mille ducentos quadraginta sex. id quod re ipsa exacte completum uidemus. Nam circiter annum urbis conditæ millesimum septuagesimum, Imperialis Maiestas è Rhoma Constantinopolim translata est, Et si quos urbs Rhoma deinde habuit occidentales imperatores, illorum tamē origo, & authoritas, à Constantinopolitano imperio pendebat, Vt Rhoma tum non tam corpori uiuo, quod seipsum regeret, quàm cadaueri emortuo, cuius funus & sepultura, ab alijs curaretur, similis esset. Deinde circiter annum urbis millesimum centesimum sexagesimum quartum à Gothis duce Alaricho, capta, direpta, & incensa est. Postea circiter annum millesimum ducentesimum octauum, à Gensericho iterū capta ac spoliata est. Ad extremum, Anno urbis, millesimo ducentesimo uigesimo nono, in tantam infœlicitatem, ac contemptum, miserę Romanæ urbis reliquię deuolutæ sunt, ut Augustulo occiso, ne dominum quidem, hoc est imperatorem occidentalem, amplius habere digna esset. tantum abfuit ut ipsa, ueteri more alijs dominaretur, Et hic fuit extremus

mus & fatalis exitus, seu dissipatio quædam potius, monumenti atq; cinerum urbis Rhomæ, & dominationis eius prioris, sicut à Daniele prædictum erat. D A. Et iudicium sedit. O S. Scilicet, cum diu sancti oppressi fuerint, à cornu illo. D A. Vt auferatur potentia. O S. Quartæ scilicet istius bestię. D A. Et conteratur & dispereat in finem. O S. Id est omnino ac funditus. D A. Regnum autem & potestas, & magnitudo regni, quæ est subter omne cælum, detur populo sanctorum altissimorum, cuius regnum sempiternum est, & omnes reges seruiant, & obedient ei. O S. Hæc supra satis declarata sunt. D A. Hucusq; finis uerbi. O S. Hactenus de priore dominatione urbis Rhomæ, quæ durauit iuxta Danielem, annis angelicis tribus cum dimidio, iuxta uerò suum ipsius augurium, annis milleducentis, quod ferè idem est. Nunc de posteriore urbis Rhomæ dominatione, ex Apocalypsi & Paulo, audiemus, Et eodẽ modo, ut supra, ubi necesse fuerit, interloquemur. Atq; hic statim cogites uelim Christiane lector, quanta astutia Satanas sit, qui cum intelligeret priorem urbis Rhomæ dominationem aliquando funditus euertendam esse, diu ante, aliam & longe diuersam, eiusdem urbis dominationem adornarit, ac ita instruxerit, ut antequam illa prior omnino expiraret, ista posterior, iam propemodum matura & adulta esset. Cū enim prior illa urbis Romanæ dominatio ui & armis ualuerit, hæc posterior specie



(ô horrendam uocem) ad interitū uadit sempiternū. Sed audiamus iterum Iohannem de sua uisione ulterius loquentem. IOH. Et datum est ei os loquens magna, & blasphemias. OS. Hæc uerba, non amplius pertinent ad notationem præteritæ dominationis, sed pingunt qualis futura sit bestia, postquam iterum emerferit. non enim dicit, habuit os, sed datum est ei os loquens magna & blasphemias. Magna autē loqui, hebræa phrasi, est Thraſonice de seipſo gloriarī. quod quidem Papa facit, dum iactat se uicarium Christi, dum se Soli, imperatorem uerò Lunæ comparat, & similia infinita. Loquitur autem blasphemias, dum piā doctrinā & rectum usum sacramentorum damnat, dumq; falsā doctrinā, & superstitiones propagat, quorum enumeratio non est huius instituti. Et hac in parte bestia sibi similis manet, nam & in priore dominatione, fuit os loquens grandia. IOH. Et data est ei potestas faciendi menses quadraginta duos. OS. Hic caput rei est, propter quod hæc omnia tractamus. Et in hoc quoq; posterior hæc dominatio priori similis est, quæ tempus & tempora, & diuini durauit. uerum sicut illic angelica tempora, ita & hic angelicos menses intelligere necesse est, quorū quadraginta duo constituunt mille ducentos sexaginta dies angelicos, hoc est totidem annos nostros ciuiles, uel, quod idem est, angelicos annos tres & dimidium, id quod ex duodecimo capite Apocalypſis cla-

rum est, ubi idem tempus, primum mille ducentorū sexaginta dierum determinatur. Postea tempus, tempora, & dimidium appellat. Sed animaduerte, quod Iohannes non Iudaicum annum respicit, sed mensem Rhomanum, qui triginta dierum est. nam quod aliis quibus in Calendario Rhomano mensibus, unus & triginta dies ascribuntur, sit propter quinque dies intercalares, alioqui uerus mensis tantum habet uiginti nouem, & dimidium ferè, sed seponamus hæc paulisper. Interim mihi mirari subit, ac omnino uehementer & supra modum admirari, qui fieri potuerit, ut non dico homines eruditi, sed rudes & illiterati, qui tantum uel unicam micam humanæ rationis adhuc reliquam haberent, adduci potuerint ut hæc omnia, quæ Iohannes hic, & Paulus ad Thessalonicenses, de hac bestia uaticinati sunt, intra spacium trium & dimidij annorum ciuiliū, perfici posse crederent, cum sint eiusmodi, ut si iam perfecta sint & de uerbo ad uerbum perscripta, indefessum lectorem requirerent, qui ea intra tres annos perlegeret. nam omnino impossibile est, ut talia gesta triennio uiua uoce per totum Christianum orbem diuulgarentur, tantum abest, ut triennio perfici possint, aut quadriennio, etiamsi Antichristus exercitum haberet uolatilium. Sed ingratitudo humani generis meruit, ut tanta cæ-

ta cæcitate plecteretur, eo quòd beneficia Christi non agnouerit. Sed hac de re paulo post plura, cum ad Paulum uenerimus, nunc ad propositum. IOHAN NES. Et aperuit os suum in blasphemias contra deum, ut blasphemaret nomen eius & tabernaculum eius, & eos qui in cælo habitant. OSIANDER. Nemo potest blasphemare uerbum dei, ut non idem blasphemet etiam nomen dei, Papa autem multipliciter blasphematur uerbum Dei, dum usum utriusque speciei à Christo institutum, damnat ut hæresim, dum coniugium sacerdotibus prohibet, dum quosdam cibos interdicit, & doctrinam dæmoniorum stabilit. Cum Paulus clare dicat, Episcopus sit unius uxoris uir. Item omnia munda mundis. Papa igitur blasphematur nomen Dei. Quid autem sit blasphemare tabernaculum dei, & eos qui in cælo habitant, clare intelligitur ex nono capite Danielis, ubi de Antiocho ita uaticinatur. De uno autem ex eis egres sum est cornu unum modicum, & magnificatum est usque ad fortitudinem, (sive arcem, seu tabernaculū) cæli, & deiecit de stellis, & conculcauit eas. certum est enim, quòd intelligat templum Dei, & sanctos in populo Israel. Itaque Papa etiam ecclesiam Dei, & sanctos eius blasphematur, dum dicit, nulli esse spem salutis, nisi sit sub Papatu, cum hic clare dicatur, nulli esse



Ipem salutis, qui maneat sub papatu. Sed infinita sunt huius generis, & aliam tractationē requirunt. I O H. Et datum est illi bellum facere cum sanctis, & uincere illos. O S. Tanta uis est mendaciorum, prestigiorū, falsæ & fucatæ doctrinæ, falsorum miraculorum, & hypocriseos Papatus, ut etiam uere sancti uideantur uicti, dum eos Papa damnat, & hæreticos declarat. Quod quidem, nisi diligenter memoria teneamus, fieri nō potest, ut non horreamus eius blasphemias. Sed quia non blasphematur ullos malos, sicut res ipsa quoque testatur, sed tantum, deum, ecclesiam, & sanctos eius. gaudere, & exultare debemus ab eo blasphemati. Cōtingit enim nobis in testimonium, quod cum illa abominabili bestia, nihil habeamus commune. I O H. Et data est illi potestas in omnem tribum, & populum, & linguam, & gentem. O S. Hoc interpretatur angelus, cum dicit, Decem cornua quæ uidisti, decem reges sunt, qui regnū nondum acceperunt, sed potestatem tanquam reges una hora accipient cum bestia. Hi unum consilium habent, & potestatem suā bestię tradent, Id est, sicut prima dominatio decem prouincias consulares habuit, ita & secunda dominatio, cum bestia iam inualuerit, decem reges (ut supra dixi) sortietur. Nam quod antea fuit unicum imperium Rhomanum, iam in decem regna diuisum est, quorum unum quodque suum habet regem. Qui quidem tempore Iohannis regnum nondum acceperāt, quia & bestia ipsa non

nondum emerferat, sed accepturi erant, una hora cum bestia, id est, eodem tempore, scilicet ut non unus post alium regnaret, sicut septem capita, sed omnes, simul & eodem tempore, sicut re ipsa uidemus. Hi autem uno consilio siue *ὑπόμνη* potestatem suā Papæ tradunt. id est, tacito consensu, & omnino fortuito agnoscunt eum pro uicario Christi, & subiiciunt se ac suos illi, & ita nanciscitur bestia potestatem in omnem tribū, populum, linguam, & gentem, quatenus Christianus orbis patet. Nam cum sub prætextu religionis domine-  
tur, non potest se potestas eius extendere ad infideles. IOH. Et adorabunt eam omnes, qui inhabitant terram, quorum non sunt scripta nomina in libro uitæ agni, qui occisus est ab origine mundi. OS. Deus, qui diues est misericordia, propter nimiam charitatem suam qua dilexit nos, cum essemus mortui in peccatis, cōuiuificauit nos qui uere credimus in Christum, & considerare fecit in cælestibus, ut Paulus ad Ephesios inquit. Ergo cum Papa nos blasphemat, blasphemat eos qui in cælis habitant. Quorum autem nomina nō sunt scripta in libro uitæ, hi in terris habitant, quia terrena sapiunt, Ideo etiam bestiam adorant. IOH. Si quis habet aurem audiat, qui in captiuitatem ducit, in captiuitatem uadit, qui gladio occidit, oportet eum gladio occidi. Hic est patientia & fides sanctorum. OS. Hoc uult dicere, Si quis ex ijs quę iam dicta sunt nondum intelligit, quæ sit ista bestia, hoc saltem intel-

ligat, si modo aures habet audiendi. Vbi uere sancti propter fidem, & sanā doctrinā Christi, in captiuitatē ducentur, aut gladio ferientur, aut alio quouis modo occident, quod quidē fiet sine pudore, ac omnino manifeste (nam hac nostra etate multi occisi, multi incarcerati sunt, tantū qui eucharistiam sub utraq; specie acceperunt) ibi est regnum huius bestiae, quam deus ita odit ac detestat, ut omnino uelit ei remetiri eadem mensura, qua ipsa sanctis metitur. Dicit em̄ suo tempore, Reddite illi, sicut & ipsa reddidit uobis, duplicate ei duplicia secundum opera eius. Poculo quo misit uobis, miscete illi duplum. Quantum glorificauit se, & in delicijs fuit, tantum date illi tormentum & luctum. IOH. Et uidi aliam bestiam, ascendentem de terra. OS. Significat & hac bestia, sicut aliae omnes, regnum quoddam, non unius hominis, sed magnae alicuius colluiei, conspiratione quadam, & consensu, quasi in unum corpus coagmentatae. Quae autem sit ista bestia, Iohannes ipse interpretatur capite decimono, ubi uocat eam, Pseudopphetam, qui fecit signa coram bestia. Significat igitur hac bestia, cateruam, colluiem, coniurationem, & regnum omnium pseudodoctorum in toto Papatu, & dicitur haec bestia ascendere de terra, ut distinguatur à bestijs ascendentibus è mari. Aqua enim crassius longe elementum est quam aer, ideo & crassiora producit animalia,



malia. Sicut autem aquæ significant populos, turbas, & gentes crassioris ingenij, in quibus uigent, amor uoluptatum, & libido regnandi, ita terra significat homines subtilioris ingenij, ut qui non in aqua sed in aere creati sunt ac uersantur. Oritur itaq; hæc bestia, ex hominibus eruditis & ingeniosis, sed impijs, quorum Rhomæ maxima multitudo est. IOHAN. Et habebat cornua duo, similia agni, & loquebatur sicut draco. OSLANDER. Agnus Christus est, qui pugnat non gladio corporali, sed cornibus spiritualibus, id est uerbo suo, quod bifariam diuiditur, scilicet in uerbum legis, quod est uerbum iræ, & mortis, & in uerbum euangelij, quod est uerbum gratiæ & uitæ. Ita & hæc bestia, siue pseudopropheta, habet duplicem doctrinam, quam uocant doctrinam fidei, & doctrinam bonorum morum, sed utranque erroribus contaminatam. Itaq; retinent speciem, quasi sint Christiani doctores, & doceant uerbum Dei, quia cornua illorum sunt similia agni. Sed reuera loquuntur sicut draco. Draco autem siue Satan, Christo teste, in ueritate non stetit, sed est mendax & pater mendacij, & cum loquitur mendacium, ex proprijs loquitur, ita & hi pseudodoctores non steterunt in sincera doctrina Christi, sed loquuntur sua ipsorum somnia, & cogitationes, ex proprio sensu. IOHAN NES, & potestatem prioris bestię omnem facit in conspe

conspectu eius. O S. Hæc bestia ex pseudodoctori-  
 bus conflata, administrat, & defendit regnum Papæ,  
 ipse uerò, omni cura solutus, perpetuo deliciatur &  
 triumphat, ut Itali loquuntur. I O H. Et facit terrā et  
 inhabitantes in ea adorare bestiam primam. O S. Sci-  
 licet quæ Rhomę dominatur, quia primatum eius do-  
 cēt esse iure diuino, quod falsum est. I O H. Cuius cu-  
 rata est plaga mortis. O S. Sicut gentes olim admis-  
 ratæ sunt monarchiæ Rhomanæ inuictam stabilitatē  
 ut supra dixi, ita cum iam Rhoma cecidisset, & per  
 Papatum sese iterum erexisset, superstitiosi & impij,  
 quorum nomina non sunt scripta in libro uitæ, admi-  
 rari cœperūt papatus, seu primatus Rhomani pontifi-  
 cis, inuictam maiestatem, & cogitarunt, Deum Rhoma-  
 nam monarchiam ideo stabiluisse, ut tandem in Pa-  
 patum euaderet. I O H. Et facit signa magna, ut etiam  
 ignem faceret de cælo descendere in terram, in conspe-  
 ctu hominū. O S. Sanctus Paulus epistola ad Thes-  
 salonicenses secunda, capite secundo, hæc signa, uocat  
 signa & prodigia mendacia, quia partim sunt mera præ-  
 stigia, ut, quando perforant imagines ligneas, & infu-  
 sa aqua, faciunt eas lachrimare, aut quando caneros flu-  
 uiatiles, affixis cereolis ardentibus per noctem in lo-  
 cis oportunis, permittunt errare, ut appareant stultis  
 animæ defunctorum esse, quæ igne purgatorio cru-  
 cientur, id quod ego scio quosdam fecisse, partim sunt  
 mera mendacia, ut quando imaginibus lachrimanti-  
 bus,

bus affingunt, etiam loquutas fuisse, aut animas per certum numerum missarum è purgatorio liberatas esse, cum cancos scilicet iam non amplius emittant. Verum ista signa mendacia, tantam in stultis uiris & fatuis mulierculis deuotionem excitant, ut ignis spiritus sancti uideatur, per illorum falsam doctrinam & falsa miracula, magna fiducia deprædicata, in corda istiusmodi hominum superstitionum esse delapsus.

**IO H.** Et seducit habitantes in terra, propter signa quæ data sunt illi facere in conspectu bestię, dicens habitantibus in terra, ut faciant imaginem bestię, quæ habet plagam gladij, & uixit. **OS.** Ex ista multiplici mentione & repetitione plagæ letalis, quæ tamen curata est, satis apparet eam quoq; in utraq; dominatione pariter inueniri, sicut & os loquens ingentia, & decem cornua, item Gog & Magog. Nam ij de quibus Ieheskiel uaticinat, ad priorẽ dominationẽ pertinet. illi autem de quibus Iohannes meminit, in posteriore tandem reperientur, & alia pleraq;. Itaq; sicut monarchia Cæsarium in C. Iulio Cæsare, per gladium ferreũ omnino uidebatur extincta, & tamen reuixit, ita etiã monarchia Papæ, per gladium spiritus, quod est uerbum dei, letaliter uulnerata fuit in mortem, cum Christus omnibus apostolis, etiam Petro dixerit: Reges gentium dominantur earũ, uos autem non sic. Et Concilium Affricanum decreuerit, ex eodem uerbo dei, quod nullus episcopus, ac ne Rhomanus quidẽ pon-

h            tifex,



tifex, debeat appellari princeps sacerdotum, aut sum-  
 mus sacerdos, uel uniuersalis pontifex, dist. 99 c. Pri-  
 mæ. Quis aut credidisset, dominationē hanc à Christo  
 primū, deinde etiā à Cōcilio, publice & iuste damnatā,  
 & iugulatam, uicturā fuisse? & tamen hac plaga gladij  
 spiritalis accepta reuixit. Ideoq; pseudodoctores fin-  
 gunt iam, eam esse iuris diuini, ac persuadēt hominib.  
 ut imago eius fabricetur. Sicut aut imago dei, est uer-  
 bum dei, ita imago Papatus, est uerbū & doctrina Pa-  
 pæ. Sedet em̄ in tēplo dei, ostendēs seipsum tanq; deū,  
 Quare & in hoc deum imitat, quod uerbū et doctrinā  
 ē suo cerebro gignit ad imaginē suā. Cum igit doctri-  
 na Papatus, quā isti pseudodoctores docent, duplex  
 sit, scilicet, fidei, et morū; necessario compilati sunt duo  
 libri, scilicet, liber Sententiarū, & liber Decretorum &  
 Decretalium, qui sunt ipsissima imago Papatus, om-  
 nem eius formam, fidem, uitam, & mores, ad uiuū ex-  
 primentes. Itaq; iam satis clare apparet bestiā hanc po-  
 steriorem cōflatā esse ex doctoribus scholasticæ Theo-  
 logiæ, magistrū sententiarū uersantibus, sacris literis  
 ita neglectis, ut pleriq; eorū biblia sacra ne habuerint  
 quidem, et ex doctoribus canonū, sordida decreta Pa-  
 parū tractantiū, inter quos Inquisitores hæreticæ pra-  
 uitatis merito supremū locū obtinent, & capitis uicem  
 agunt. Hi omnes duplici hac doctrina Papatus instru-  
 cti, tanq; duobus cornibus pugnāt, & defendūt regnū  
 Papæ. IOH. Et datū est illi, ut daret spiritū imaginī  
 bestiæ

bestiæ ut loquatur imago bestiæ. O S. Hoc est, bestia posterior, ex pseudodoctoribus cōflata effecit, ut imago seu doctrina Papatus acciperet spiritū, ut uiueret & loqueret. Quia consilijs, conpirationibus & suasionibus suis effecerūt, ut doceret in omnibus Scholis, et ut regnaret in cōcionibus, in foro ecclesiastico, & in cōscientijs hominū. Hoc em̄ uere est, uiuere & loqui doctrinā, cum publica authoritate nō solū docet, uerum etiā secundū eam, uiuitur, iudicat, et regnatur. Atq; hic apparet, cur colluiem pseudodoctorū, bestiā, id est regnū quoddā esse dicat. Quia regnū planē nō uulgare, in ecclesia obtinēt, adeoq; firmū ac terribile, ut eos etiā prior illa bestia, metuere cogat. Ideoq; nemo Doctor Theologiæ, aut Canonū in Papatu creatur, nisi prius inter cætera, etiam in hæc uerba diserte iuratus fuerit, ad defendendum, & retinendū Papatum Rhomanū. contra omnes homines adiutor ero, Quod dū faciūt, uere potestatem prioris bestiæ omnem coram ipsa, id est, ad nutū & beneplacitum eius faciunt, ut supra dictum est. IOH. Et faciet, ut quicunq; non adorauerint imaginem bestiæ, occidantur. O S. Quisquis hanc Papatus doctrinam non uerbo dei equauerit, id est adorauerit, ab inquisitoribus, hæreticus iudicatur, & nisi reuocauerit, exuritur. Audet enim Rhomanus pontifex dicere, omnes suas constitutiones sic accipendas esse, ac si diuina uoce ex ore Petri apostoli pcederent, dist. 19. ca. Sic, IOHANNES. Et facit omnes.

pufillos & magnos, diuites & pauperes, liberos & feruos, accipere characterem in manu sua dextera, aut in frontibus suis. Et ne quis emere aut uendere posset, nisi qui habeat characterem, aut nomen bestiae, aut numerum nominis eius, Hic sapientia est, qui habet intellectum, computet numerum bestiae. Numerus enim hominis est, & numerus eius, sexcenta sexaginta sex. O S. Characterem bestiae accipere, sermo metaphoricus est, pro eo, quod est, sese externa specie aliqua, aut factis aliquibus ita gerere & conformare, ut omnes uideant & intelligant eum ad familiam bestiae pertinere, & bestiae subditum atque deuotum esse, Quemadmodum aulici ferè omnes, in uestibus characterem principis sui habent. Character autem bestiae, & numerus bestiae, & nomen bestiae, pro eodem ferè ponuntur. Et iubet eos qui intelligunt ea, quae haecenus dicta sunt, computare numerum nominis bestiae, ut si inueniant in eo nomine praecise numerum sexcentorum sexaginta sex, tum certi fient, se habere huius bestiae cognitionem ueram, & neuiquam fallacem. Insinuat autem se ad linguam hebraeam respicere, sicut alibi quoque facit, in nomine angeli, qui אבaddon, id est, Abaddon uocatur, & in nomine loci, qui חרמגדון, id est, harmageddon appellatur. Nam ספר .i. Sepher, significat hebraeis librum, scripturam, & numerum. Ideo tam uarie ludit, nunc nomen bestiae, nunc numerum bestiae, nunc characterem, id est scripturam bestiae appellans. Admo-



DE VLTIMIS TEMPORIBVS.

nui autem te lector supra in Daniele, ut numerum  
hebræi nominis quartæ bestię diligenter cōsiderares,  
nam omnes literæ hebræorum certos numeros desi-  
gnant, nec habent ulla notas numerorum nisi literas  
tantum, Itaq; apud illos, omnis scriptura, & omnis di-  
ctio est numerus quidam. Porro cum hæc bestia uul-  
gatissimo nomine, in hebræa lingua dicatur מלכות  
רומית, id est regnum Rhomanum, sitq; hoc nomen  
מלכות, id est regnū, illi cum reliquis bestijs commu-  
ne, manifestum est omnibus, uerum ac proprium no-  
men huius bestię esse, רומית, id est Rhomanū. Iam  
uero in hac dictione, רומית, præcise inuenies nume-  
rum sexcentorum sexaginta sex. Nam litera ר denotat  
ducenta, ו sex, מ quadraginta, י decem, altera י etiam  
decem, et ה quadingenta. Et hic uides, quanta diligen-  
tia beatus Iohannes curauerit, ne non intelligeremus  
eum de Rhoma loqui, cum tamen Rhomam nusquā  
uoluerit aperte nominare. Vocat autem hoc nomen  
bestię, numerum hominis, uel quia est nomen notum,  
quo omnes homines uulgo utūtur, uel quia est ab ho-  
mine, id est à Rhomulo ita nominata. Huius igitur  
nominis characterem in fronte suscipere dicuntur, qui  
toto habitu externo, & statim prima fronte, ut aiunt,  
præ se ferunt, quòd Rhomano pontifici subditi sunt,  
ut monachi cucullati, & sacrificuli rasi. In dextera autē  
manu characterem gerunt, qui certis aliquibus operi-  
bus testantur, se obediētes esse Papæ ut certis diebus,

non uesci carnibus, cōfiteri in quadragesima, &c. nam ad talem externam speciem obedientiæ omnes coacti fuerunt ab ipsa statim pueritia. Qui enim talem characterem non habebant, nec recipere uolebant, excommunicabantur. Quod si contemnebant, tandem etiā ciuilis usus & consuetudo hominum illis interdicebat. Quod si uulgus eos uitare non uolebat, omnia diuina officia, interdictu Rhomani pontificis, in eo loco, quo uersabant, cessabant. Itaq; reuera, neq; emere neq; uendere poterant, quicunq; characterem hunc Rhomanū non habebant. Porro ut etiā de posteriore fine et integritate abominabilis huius bestię, aliquid intelligamus, adducam adhuc pauca uerba Angeli uisionem hanc interpretantis. Qui dicit: Decem cornua quæ uidisti, decem reges sunt, hi cum agno pugnabunt, id est sanā doctrinam persequentur, partim propter ignorantia, quia à Papa seducti sunt, partim in gratiam Papæ, cui ualde placere cupiunt. Et agnus uincet eos, quia dominus dominorū est, & rex regū, & qui cū illo sunt uocati & electi & fideles, Hoc est, nō solus Christus pugnabit, uerū etiā uocati, electi, fideles. Atqui tales non pugnant gladio sed uerbo Dei, & iustis argumētis ex eodem petitis, hoc tēpore imprimis, quo post tricessimū ecclesiæ iubileū, Christus iterū incipit prædicare, ut in tertia coniectura diximus. Et reges paulatim uiuent, sicut iam nunc nōnulli reges ac principes uicti sunt, & ueritati agnitę maxima cū laude cesserunt. Itaq; optima spes est etiā reliquos tandē euidentissimæ ueritati

cessuros, si modo nos fortiter pugnauerimus .ex quo  
 tandē scquetur, ut meretricē, id est Rhomanā Curiam  
 odio psequantē, propter ipsius abominationes & sedu  
 ctiones, & eam desolatā faciant & nudā, & carnes eius  
 comedāt, id est diuitias eius, et substātiā diripiāt, et ip  
 sam, scilicet urbē, igne cremēt, sicut etiā prius fuit cōcre  
 mata. Deus em̄ (inquit angelus) dedit in corda eorū, ut  
 faciant quod placitū est illi, et ut unā faciant uoluntatē,  
 ut dent regnū suū bestię donec consumentē uerba dei.  
 Hic mihi lector diligenter perpendas uelim, uerba an  
 geli, sunt em̄ notatu dignissima. Nam cū supra de de  
 cem regibus dixerit, eos unū consiliū, id est *ἑνὸς βουλῆς* habe  
 re, ut scilicet, uirtutē & potestātē suā bestię tradant, nō  
 dicit illud esse cōsiliū seu *ἑνὸς βουλῆς* dei, hic uerō, cum dicit  
 eos meretricē spoliaturos, & igne exusturos esse, dicit  
 hoc deū dedisse in corda eorū, ut faciant *ἑνὸς βουλῆς* seu cōsi  
 liū ipsius. Nam q̄ Papā extulerūt, id fecerūt consilio  
 & placito suo p̄prio & priuato. quod aut paulo post,  
 spoliabunt & exurent, id facient cōsilio & placito dei,  
 utrunq; tamē, scilicet quod aliquādo extulerunt, & q̄  
 aliquādo spoliabūt, fuit ex occulto iudicio dei. Primū  
 em̄, quod Papā scilicet extulerūt, & illi uirtutē & pote  
 statē suā dederūt, fecerūt quidē cōsilio priuato, q̄d eo  
 tamē ualuit, ut cōsumarent uerba dei, quæ spiritus san  
 ctus p̄ os Pauli apostoli prædixit, scilicet q̄ quia cari  
 tatē ueritatis pleriq; nō essent recepturi, ut salui fierēt,  
 ideo missurus esset illis deus opationē errorū, ut credāt  
 men



mendacio, & iudicent omnes qui nō credunt ueritati,  
 consentiunt autem iniquitati. Postremum autē, quōd  
 Papam scilicet spoliabunt, & urbem igni uastabunt,  
 non facient, donec illis hoc deus per uerbum suum in  
 corda ipsorum dabit, ac eos ita illuminabit, ut intelli-  
 gant, se recte, atq; ordine facere, ac uoluntatem Dei  
 implere, Papatum funditus euertendo. Proinde, ne-  
 mo speret, Turcam instrumentum fore, ad euertendū  
 Papatum, ut pleriq; stulte somniant, Satanas enim nō  
 eiicit Satanam, sicut Christus testatur. Neq; quis-  
 quam, qui non sit ē numero decem illorum regum,  
 Papam temere aggrediatur, aut bello petat, datū est  
 enim illi uincere sanctos, donec impleantur uerba dei,  
 quæ iam ferē impleta sunt omnia. Quin hoc uel maxi-  
 me pertinet ad ignominiam, miseriam & confusionē  
 abominandi Papatus, quōd per eos ipsos, per quos  
 est stabilitus, & in quibus confidit, quosq; defensores  
 suos falso præsumat & prædicat, tandem radicitus ex-  
 tirpabitur, idq; cum summo gaudio sanctorum om-  
 nium, qui ob hoc ipsum, in hunc hymnū coram deo  
 prorumpent, ac canent: Salus, honor, gloria, & uirtus,  
 domino deo nostro, quia uera et iusta iudicia eius, qui  
 iudicauit de meretrice magna, quæ corripit terram  
 prostitutione sui, & uindicauit sanguinem seruorum  
 suorū de manu eius. Hæc ex Iohanne dicta, sufficiant.  
 Audiamus & Paulum Thessalonicensibus in secunda  
 epistola ita scribentem, P A V L V S, Rogamus au-

DE VLTIMIS TEMPORIBVS.

tem uos fratres, per aduentū domini nostri Iesu Christi, & nostræ congregationis in illum, ne cito dimoueamini à uestro sensu, neq; turbemini, neq; per spiritum, neq; per sermonem, neq; per epistolam, tanquā per nos missam, quasi instet dies Christi, ne quis uos decipiat ullo modo. Quoniam non adueniet Dominus. O S. Scilicet ad iudicium extremum. P A V. Nisi uenerit discessio prius. O S. Qua prouinciæ à Rhomano imperio desciscant, & regnum Rhomanū deficiat, & pereat. P A V. Et reuelatus fuerit homo peccati, & filius perditionis. O S. Id est Papa Rhomanus. P A V. Qui aduersatur, & extollitur, supra omne quod dicitur deus, aut quod colitur, ita ut in templo dei. O S. Id est in ecclesia, sicut alibi dicit, templū dei sanctum est, quod estis uos. P A V. Sedeat. O S. Id est Cathedram, seu docendi ac regendi functionem occupet. P A. Ostendens se tanquam sit deus. O S. Canonistæ enim eius, dicunt eum non esse purum hominem, sed assumptum à deo in plenitudine potestatis. P A. Num retinetis, quòd cum adhuc essem apud uos, hæc dicebam uobis? O S. Eadem scilicet, quæ & Iohannes in Apocalypsi scripsit. P A. Et nunc quid detineat scitis, ut reueletur in suo tempore. Nam mysterium iam operatur iniquitatis. O S. Quia episcopi Rhomani cum clericis suis carnalibus, (pauci enim ex eis fuere boni) iam tum à tempore apostolorum, aspirauerunt occulte, ad dominationem, qua successu

tempo

temporis totam ecclesiam oppreſſerunt. Vide epiſto-  
lam Zephirini, & Pontiani, & ſimiles libris recogni-  
tionis Clemētis annexas, & intelliges, quā mature,  
qua arte & uerſutia hoc myſteriū inceperint operari,  
non tamen palā erumpere audebant, & re ipſa ſibi do-  
minationē uendicare, quādiu monarchia Cæſarū Rho-  
mæ uigebat. P A. Tantū ut qui tenet, teneat, donec ē  
medio fiat. O S. Monarchia Cæſarū & imperatorum  
qui ſummā rerū obtinent (inquit) obtineāt, donec ē me-  
dio fiat, id eſt, donec Cōſtantinopolim diſcedat, uel do-  
nec dominatio prior urbis R homæ, omnino deſierit.  
P A. Et tūc reuelabit ille iniquus. O S. Id eſt tūc emer-  
get caput oſtauū, Papa ſcilicet, ſicut ſupra dictū eſt, in  
Iohanne. P A. Quē dominus cōficiet ſpiritu oris ſui.  
O S. Id eſt uirtute uerbi ſui, q̄ poſt triceſimū eccleſiæ  
iubilæum, iterū publice, et magno ſpiritu prædicabit.  
P A. Et deſtruet illuſtratione aduētus ſui. O S. Quia  
ſicut Solem præcedit diluculū, & aurora, ita & aduen-  
tum dñi noſtri Ieſu Chriſti qui eſt Sol iuſticiæ, præce-  
det illuſtratio prædicationis euangelij. Dicit em̄ Chri-  
ſtus Matthei uigeſimo quarto. Prædicabit hoc euange-  
lium regni (ſcilicet q̄ Chriſtus ſi rex noſter, non Pa-  
pa) in uniuerſo orbe, in teſtimonium omnibus genti-  
bus, & tunc ueniet cōſumatio, hæc aut̄ illuſtratio euan-  
gelij prædicati deſtruet dominationē Papæ, ſicut iam  
incepit, amen. Non em̄ durabit, uſq; ad Chriſti aduen-  
tum, alioqui q̄modo impleretur, qd̄ de decē regibus  
& Iohanne dictū eſt: quod ſcilicet, hanc beſtiā deſolatā,



& nudā sint facturi, carnes eius comesturi, & ipsam tandem igne cōbusturi, idē Deo illud in corda illorū inspirante. P A. Cuius aduentus est secundū operationem Satanæ, in omni uirtute & signis & p̄digijs mendacibus, & in omni seductione iniquitatis, his qui pereunt. O S. Hæc est Sanctissima Sanctitas Sanctissimi domini Papæ. P A. Eo q̄ charitatē ueritatis non receperunt, ut salui fierent, Ideo mittet eis deus operationē erroris, ut credant mendacio, ut iudicent omnes qui non crediderunt ueritati, sed consenserunt iniquitati, Hæc Paulus de posteriore dominatione urbis Rhomæ & de Papatu illius uaticinatus est, Quare exite de illa populus Christi, nē participes sitis delictorū eius, neue de plagis eius accipiat, ut Angelus in Apocalypsi 18. cap. nobis præcepit. Verum caue Christiane lector, ne quicq̄ horū, quæ de hac bestia dicuntur, ad imperatorē regni Germanici, pertinere putes. est enim legitimus magistratus, à deo ordinatus, & minister dei, ut Paulus ad Rhomanos scribit. Quod autē imperator Rhomanus dicit, cum tamen Rhomā non possideat, nec illuc aspirare, sine Papæ consensu audeat, factū est extrema nequicia serpētis, & eius uicarij scilicet Papæ, ob hoc ipsum, ut si quis ex his iā declaratis oraculis aliquid contra nequiciā & intolerabilē dominationē Rhomanensium mutire auderet, uideret etiam contra Imperatoriam maiestatem dicere. Verum res ipsa, iam satis euidens discrimen inter Imperatorē &

i ij Papam

PAPAM attulit, ut nihil periculi metuendum sit amplius. Sed redeamus aliquando ad coniecturam nostram. Cum igitur bestia, iam iterum emerſa, datum sit, tyrannidem suam exercere mensibus Rhomanis, (qui ex triginta diebus constant,) numero quadraginta duobus, hoc est diebus mille ducētis sexaginta, & res ipsa nos cogat dies angelicos intelligere, hoc est annos ciuiles nostros mille ducentos sexaginta. dubitari non potest, quin illis expletis, consumatio statim sit uentura. Sed dubitari potest, à quo tempore hi anni initium sumant. Et sunt qui putent, statim à tempore Constantini magni ordiendum esse, propter donationem, quam Papæ Syluestro fecisse fertur, & propter translationē sedis imperialis Constantinopolim, eo quòd Paulus dicat, cum is qui tenet, è medio sit, tum reuelabitur ille homo peccati. Et sanè, si donatio Cōstantini nō esset ficta, sed reuera facta, nullus relinqueret dubitationi locus, quin ab eo ipso donationis die, numerus ille annorum fatalis incipiendus esset. Et optarim omnino esse ueram, tunc enim finis fatalis illius temporis, atq; Papatus, incideret in annum domini circiter Millesimum quingentesimum septuagesimum sextum. Sed mihi non fit uerisimile, Nam uel stilus solus instrumenti ea de re confecti, satis arguit, mendacium omnium, quæ sub cælo extiterunt, impudentissimum. Id quod Laurentius Vallauir doctissimus & Nicolaus de Cusa, item Hieronymus Catala-

nus,

nus, & alij grauissimi uiri, iam olim luculentissime ostenderunt. Proinde & si Constantinus fecerit initiū tollendi ē medio dominationem, quæ Papatui obstabat, tamē quia bestia tum nondum omnino perierat, non recte diceretur emergere, nisi prius omnino submersa esset, Itaq; recte incipiemus numerare ab eo anno, quo post translationem imperij, à Gothis duce Alaricho Rhoma capta, direpta, & incensa est. Is enim uerus finis est prioris dominationis eius iuxta Danielem, Hoc autem factum est anno urbis circiter millesimo centesimo sexagesimo quarto, Anno uerò Christi, circiter quadringentesimo duodecimo, adde igitur annos Christi quadringentos duodecim, & annos Pape mille ducentos sexaginta, & colligetur summa annorum, Mille sexcentorum septuaginta duorum. cumq; totidem à Christo numerabimus, tum impendebit Pape, & urbi Rhomæ fatalis interitus. & hæc coniectura facit, ut annos à cælesti Adamo ad diluuium igneum, in secunda coniectura, & annos iubilæos ecclesiæ in tertia coniectura, non à natiuitate domini, sed ab eius resurrectione numerandos esse censeam. Nam ante illud tempus formam serui gessit, ut qui diceret se uenisse, ut ministraret, nō ut illi ministraretur. A resurrectione autem uere regnum suum auspicatus est, cum diceret: Data est mihi omnis potestas in cælo & in terra, Ita enim fiet, ut finis utrorumq; cadat in annū domini circiter Millesimum sexcentesium octogesi-



num octauum, cum Papæ interitus uerisimiliter cadat in annum domini circiter Millesimum sexcentissimum septuagesimumsecundum, ut Papatu perempto, & extincto, adhuc supersint anni circiter sedecim, quibus homines, aduersario Christi sublato, & euāgelio prædicato, iterū incipient esse securi, & pergræcari, more solito. Et cum dixerint, pax & securitas, tunc repentinus eis superueniet interitus, & sicut dolor parturientis, & non effugient. Igitur uigilemus & sobrii simus, ne nos dies ille tanquā fur, in nocte comprehendat. Hæc in præsentiarum, de Coniecturis ultimorum temporum, ac de fine mundi in lucem edere uolui, cætera enim nonnulla, sunt eiusmodi, ut multitudini nondum uideantur communicanda. His autem, quantum tribuendum sit, spiritualibus, qui omnia iudicant, & a nemine iudicantur, existimandum relinquo. Coniecturæ sunt, fateor, non oracula, sed tamen nisi fallor, haud temere fallent.

VENI DOMINE IESV.

ΝΑΙ. ΕΡΧΟΜΑΙ ΤΑΧΥ.

AMEN.


Erratula pauca typographorum negligē  
tia admissa, Sic corrigito.


- b iij. fa. 1. uersu 18. pro ediderint, lege cderint  
c ij. fa. 1. uersu 15. pro reperturum, lege reperturi  
c iij. fa. 1. uersu 23. pro sad, lege sed  
f iij. fa. 1. uersu 16. pro maximo, lege maxime  
g iij. fa. 2. uersu 6. pro qui, lege quia.



5090







5096.



